



1

明詩紀事

國朝書田輯

天保書

尹臺 十二首

臺字崇基永新人嘉靖乙未進士選庶吉士授編修

歷中允修撰論德侍講遷南祭酒改北進少詹兼學

士遷南吏部侍郎就遷禮部尚書有洞麓堂集十卷

四庫總目臺以護持揚繼盛一事為清議所歸集首鄒

元標序稱其詩力追唐雅制疏書序記銘狀表出入

漢宋間釋名理不屬納語今核其所作尚不誣云

田按尚書不附和武定分宜其官南都詮部保全譚

襄敏直西苑撰青詞時有諷諫大節可謂不阿當時

不以詩名擲其佳作雅質風藻不愧名家

別饒子間

戊籤卷十九

萬生在河渚縣延自結根何意中林楚垂蔓相翮幡人生託

交故義合情與存甯期時命怫懿好不久敦棘瓜有芳實二

歲零寒原幸蒙攀采惠棄遠難重論

黃憲墓

漢季多高賢黃生特淑妙白璧出塵匱羣琛仰孤照所悲朗

粹質中隕沈靈曜雖寡河汾譔不殊廣川調我行歷楚墟問

道回山嶠側思千載人悽惻墓堂弔

寶寂寺宴集用壁間韻

尋春入始夏嘉宴洽今時蘿擁巖扉寂花飄石棧危絃歌娛

日晚車馬下山遲坐惜華宵月因吟鄴客詩

嘯巖寺泊

維舟依古寺解纜溯幽源  
花發渚煙聚草青江雨繁  
魚梁交石嶼鳥路界山村  
坐羨垂綸者看雲過曉昏

南臺寺

竹隱珠泉溜蘿垂錦壁陰  
危臺迸日峻飛閣曼雲深  
玉髓行堪掇金芝往獨尋  
暫詣靈岳賞一慰尚平心

礪峯陟南禮侍余在金陵  
引跂迄左一覲余改北雍礪  
峯入覲得覲無幾復別去  
作詩敘往用抒積思

久矣金屏載筆從每嗟詞賦擅  
雍容那知北固煙中旆仍別  
西清雨外鐘柳曲樽疊經歲  
憶花邊笑語幾時逢蓬萊出入  
神仙地目極天南綵霧重

河問道中

戊籤卷十九

二

倦客風塵未息機雙旌馬首  
趁殘暉萍沱水落魚龍靜  
返澤春深雁鷺歸黑髮虛名  
慙敝帚青山獨往泥征衣  
芙蓉玉筍菟裘計老太空悲  
願每違

山行絕句二首

秋花映路開無數可愛紅枝  
間白枝不聽疏林黃葉墜  
風光渾道是春時

漁家四五西山側苦竹陰疏  
自一村昨夜溪添三尺水  
沙鷗無數到柴門

西湖竹枝詞

朝見南高峯欲雨北高出日  
又多時綠虹宛轉垂照水  
欲渡無怨郎得知

西湖采蓮曲

湖市羅裙映玉缸，蘇隄楊柳拂船窗。采蓮謾觸鴛鴦起，飛向花間箇箇雙。

寄趙白樓總兵

上谷將軍趙白樓，忠精長貫赤虹流。慣馳匹馬獵深澤，自射名王黑水溝。

郭朴二首

朴字質夫安陽人嘉靖乙未進士選庶吉士授編修

歷有議左庶子侍講學士遷禮部侍郎改吏部加太

子賓客進南禮部尚書加太子少保改北尋改吏部

尚書加太子太保兼武英殿大學士參預機務加太

戊籤卷十九

三

保少傅兼太子太傅贈太傅諡文簡有集五卷

田按史稱文簡兩典銓衡以廉著惜輔政未久退歸優游林下三十年觀其詩詞從容暇豫與貴溪輩之躁進獲禍者殊科矣

閒居二首

性僻真堪隱境幽，心益閒灌園安鄙事。採藥理衰顏，林鳥陪

吟咏溪雲共往還。落花苔徑滿蓬戶，日常關

小築成村墅，幽栖與懶宜。看花聊酌酒，對竹漫哦詩。老眼雲

山媚，閒情魚鳥知。獨將農圃業，仰戀太平時。

趙貞吉二首

貞吉字孟靜內江人嘉靖乙未進士選庶吉士授編

修遷中允擢左諭德以事下詔獄廷杖謫荔波典史

遷徽州通判進南吏部主事累遷戶部侍郎以忤嚴  
嵩奪官隆慶初起禮部侍郎進南禮部尚書仍留直  
講兼文淵閣大學士參預機務加太子太保贈少保  
謚文肅有集二十三卷

田按文肅詩豪曲快字不得以成派繩之

### 王喬洞

柯爛人歸古木寒  
紺巖靈壑野雲團  
騎來黃鶴丹砂頂  
飛去青天白玉棺  
流水調中春欲半  
洞簫聲裏夜將闌  
思輕塵骨  
超千劫願遇金童捧一丸

### 宿蘇長公洗墨池亭作

江空草綠酒旗風  
半醉黃州煙雨中  
五百年來名輩盡  
有人

### 戊籤卷十九

四

### 重唱大江東

### 王立道 十首

立道字懋中無錫人嘉靖乙未進士選庶吉士授編  
修有具茨詩集六卷文集九卷遺稿一卷

四庫總目立道詩雖微嫌婉弱而冲容淡宕不爲奇險  
之語猶有中唐錢劉之遺

張洽龍湖集懋中詩冲雅曩駘入韋柳門戶  
槐野存笥稍懋中談詩稱張司業劉廡州及索其自  
作讀之果皆似

田按懋中入翰林故事館師課之而已嘉靖乙未永  
陵論輒試之選三十人懋中第一懋中爲唐荆川妹

晉文學歐陽詩學中唐年三十八卒同時名輩哀悼  
之王槐野作傳張龍湖唐荆川作志銘尹洞山作解

王子哀文洞山文詞旨最美今洞簫堂集不載當在  
未刻稿中也

館陶主人翁洛陽賣珠子散金買聲名寵愛傾戚里翩翩東  
方生滑稽何其鄙一朝辟戟言萬乘逡巡起雄畧代所希舉  
俗憎逆耳坐令狐鼠驕白日遊都市

銅雀伎

漳河流日夜歌舞未能休豔色今誰妬餘香空自留朝雲不  
作兩陵樹早生秋滿目多疑塚君靈在此不

遊仙二首

仙人住玉京累劫道初成指樹元非姓殄松偶得名龍嘘雲  
蓋引虎奉嶽圖迎相待天台路何時返赤城  
玉室書名久清溪得道初赤文河上籙鴻寶枕中書龍吐燒  
丹火鸞驂度海車偶來華表上終與世人疏

泛清溪

戊籤卷十九

五

幽尋極寥廓理棹清溪長落日照孤嶼微風生夜涼須臾遠  
氛淨百里開湖光漁子相傍宿月明歌滄浪採芳不能浴悄  
然悲沉湘

秋居用唐人韻二首

四戶嘯聲亂秋陰欲上階菊花收作枕草蔓緝成鞋得句先  
書壁因琴別置齋溪雲與山月總不費安排

木落隨寒雨林開際遠天水紋搖蘆竹秋氣入琴絃倚樹禽  
相語班荆鹿共眠機心日以盡自謂骨如仙

題顧洞陽青溪莊二首

罷官閒愈好負郭有瓜田宦味陶元亮詩才賈浪仙高齋聽

兩枕斜日過湖船誰共幽吟者空聞招隱篇

知君閉關久一徑落花深書癖年長在春盟詩至尋空山幾  
兩屐遠道四愁吟北望休相笑平生魏闕心

送蔣醫歸江陰

遠向金門欲獻方暫因採藥去江鄉開運我須從蔣翊避名  
君莫似韓康

新學顏 五首

學顏字子愚濟甯州人嘉靖乙未進士除南陽推官

歷吉安知府累遷布政使入為太僕卿改光祿以右

副都御史巡撫山西召為工部侍郎改吏部有兩城

集二十卷

戊籤卷十九

六

四庫總目學顏詩格律清整蹊徑尚存不脫歷下流派

升菴集瀑布詩人盛稱廬山雁蕩亦有之地志云廬

山狹崖直下不如雁蕩之飛擊飄散而可觀也吾蜀

梁山縣蟠龍山有之與雁蕩相似新兩城云大勝廬

山有詩云神女碧瑤簪明珠構瓊瑤纖手按鍾球鈿

臺響天樂仙人環珮珊珊曉跨蒼龍謁帝開醉舞

婆娑潭底御天風吹挂琴微聞

田按子愚頗擅才華集中有七諷解嘲等篇類以作

者自命詩則古體摹襲前人時有佳篇近體李意顏

唐余檢明史子愚巡撫山西時應詔陳言敷陳愷切

深中時弊而兩城集不存此篇此則編集者之過也

長安道

金絡青絲纏翩翩紫駟馬白面誰家郎借問冶遊者調笑章

臺側繫轡垂楊下垂楊慘慘白日長墟頭春酒鬱金香高樓

思婦舉珠箔碧草如煙空斷腸

東京歌

濯龍門前車馬流，無人不道入青樓。盧家少婦鳴箏坐，逢著春光不解愁。

渭城曲

春風送客渭城西，折柳亭前落日低。驄馬慚隨隨塵影，沒黃鸝飛上戍樓颯。

陽春臺

陽春臺上雪霏霏，漢水無情日夜歸。楚客不知何處去，歌聲猶逐綠雲飛。

卽事

石磴參差蔓薜蘿，空亭獨坐夕陽過。不知溪上秋多少，但覺尊前落葉多。

戊籤卷十九

王維續

六首

七

維禎字允甯，華州人。嘉靖乙未進士，選庶吉士，授檢討。歷修撰，論德遷南國子祭酒，以省母歸，值地震陷。

死有槐野存稿二十卷。

藝苑卮言：王允甯詩如馬服子陳師，自作奇正，不得兵法。又如項王嘔嘔未了，忽發暗鳴。詩：戴嘉靖時為杜者，王允甯孫仲可為六朝者，黃勉之、張愈光、允甯於文矯健，勉之於學博洽，皆勝其詩。列朝詩集：允甯論詩服膺少陵，自謂獨得神解。尤深於七言近體，以為有照應開闔，關鍵頓挫，其意主與主比，其法有正插有倒插，而善用頓挫，其法者。宋元以來，惟李崧一人及其自用頓挫，竊策嫩澀，穠滿紙如潦倒措大，經書講義填塞，腹笥拈題，豎義十指，便如懸錘，累人捧腹，良可一笑也。田按：允甯與張山谷書云：本朝作者少，陵後善用之者，復猶卻數舍。若倒插頓挫之法，自允甯視紙不遺，空同一人而已。牧齋培擊陸洞故於允甯，視紙不遺，餘力余檢，何元朗四友齋叢說云：許石城得顧東橋。



文衡山蔡林屋王雅宜諸人詩裝成卷求槐野跋語  
槐野逐句破調無一當其意者信乎天道好還宜來  
牧齋之醜詆也允甯五律亦有佳篇竹垞有句無篇  
之說亦爲牧齋之論所懼耳

### 送駱太史謝病歸湖州

忽謝金門直言尋碧海濱明時豈無意旅病苦傷神白髮愁  
中長青山夢裏真知非鷗鷺侶暫與薜蘿鄰

### 廣德寺送別陳子

俱是游京國獨憐尋故山鄉心因子劇別句對僧刪枯沼風  
荷咽空林夕鳥閒前程愁欲暮乞與一燈還

### 孝烈皇后挽歌

範內留芳訓扶天有駿功仙遊知跨鳳聖念爲當熊玉珮虛  
無裏蒼雲悵望中宜春花照眼淚灑舊時叢

### 長陵恭讚 戊籤卷十九

八

長陵恭讚  
文皇陵殿傍屏庸覽盡千峯壯此峯石壑蒸雲蹲虎豹玉泉  
含霧卧蛟龍舊京想像明王祚窮漠淒迷破虜蹤埋劍藏弓  
元勝地晚來時望紫氛重

### 春意

春意今朝動鄉關萬里遙客心共江柳日夜緒千條

### 苦熱行

海上三山寒色開丹梯何處陟崔嵬道人晝卧洪爐裏赤脚  
蒼崖夢往來

### 劉繪 五首

繪字子素光州人嘉靖乙未進士授行人遷戶科給

事中轉刑科右給事中出爲重慶知府有嵩陽先生

集二十卷

四

庫總目繪詩局度宏整而乏深致文不加修飾暢所欲言劾真言一疏但以不戴所賜香葉冠激世宗之怒則非諫臣之體案明史戴言本傳稱賜香葉束髮巾言謂人臣非法服不受帝積憤欲去言嚴嵩因得間之至言得罪下獄帝猶及前不戴香葉冠事據此則繪是疏或當有所受之歟

列朝詩集子素長身電目高準修髯好讀左氏縱橫家言擊劍蹴鞠挽六鈞弓擗鼓充歌喜通經依計偕入都盜陽王生引少年數十輩逆之邯鄲道上校獵縱酒聲滿燕趙間矣成進士與李開先唐順之趙時春爲文章意氣之交在雋垣值貴溪實以抗疏談諫上頗是之貴溪度無以難乃遣客李寶行相術來說子素怒摔寶柱下已而從給造壽貴溪貴溪手來說行酒子素揮其碗碎地各盡驚出明日疏夏十罪不報六月朔書晦上大恐問天官主何占子素引漢書對請去言以塞天怒明日遂逐貴溪子素出守重慶會貴溪再相嗾南省論罷乃羊豚豕之利又責僮易隄樹千章盡有蕪葑菱藕牛羊豚豕之利又責僮易

戊籤卷十九

九

鹽鬻馬課其入息身與俠少年射獵熊山下得禽置酒自撰歌曲以娛其母晚年酷好楊蒲病瘵以死子素文章雄健可喜其詩才氣奔騰而風調未諧多生猶慕兀之致皇甫子循敘其集云先生應詔諸疏經術文章可謂兼之若騷賦詩歌則固北海餘聲宣城寄興非所專好也知言哉  
梁園風雅嵩陽先生放歸益治立湖別墅移石成奇峯灑水爲巨浸花林竹嶼壯麗甲於汝南先生與賓客放浪賦詩以此自娛其詩宏博整瞻浩渺渾灑披瀟陸之晨葩摘顏謝之春藻蓋光黃之奇偉入也田按山陰周祚吳縣黃省曾作書推服楊升菴升菴集亦附子素書云僕之仰足下者有年方其挾策西蜀陽對明光垂虹掣電振耀宇內辭調敵乎金石頌聲其人至操觚藝苑絕向王褒其人辭調敵乎金石頌氣舒暢飛章吐閣闔於五奏攀琅玕而九死知足下爲賈誼鼠錯其人也及今成集所著士人所傳傷時迹懷其孤憤結憂之聲閭流離歎尾者又策英綴彩燦玄珠而流華寶凌蹤乎七子飛蓋乎四傑足知足下爲鮑明遠謝玄暉之子素文章宏麗足稱作者詩則有偉特之句而解完善之篇豔曲麗歌尤

爲猥下趙彥復梁園風雅舍李川甫而錄子素非識曲聽真者也

### 送顧聖少遊蜀中便寄渝州諸君子

天涯飄泊聞闔客仗劍萬里還西行秦姬當壚作吳曲爲君  
勸酒春風生高歌壯遠遊三杯與君別匹馬遙衝劍閣雲征  
衣直拂峨眉雪江空擘芙蓉萬壑披雲松歸泛巴渝水聊醉  
金碧峯棠溪花正豔安居酒復濃城中士夫多豪賢客中相  
見應相憐畫舸弄杯送明月古臺搖筆凌飛煙儻憶往年一  
相訊慙慙爲我傳芳信離亂中原尚有子兵戈滿地雙蓬鬢  
塵海萍蹤無定居夜魂巴峽幾凌虛秋風送客腸應斷莫怪  
山人懶作書

劉生

### 戊籤卷十九

十

銅焦響玉營殺虜度龍庭代馬雪中躍吳刀掌上鳴醉過平  
樂觀叱咤羽林兵愿予空託姓藜火照殘經

### 紅門晚眺西山蘭若寄翠禪師

丹梯拂玉繩鷲嶺俯峻嶒月色連三殿嵐光度五陵花壇應  
說法竹院已燃燈何日天台路閒尋出世僧

### 薔薇花下聽鄰箏

窺妝羞楚女翦綵笑吳宮總翠偏縈霧叢香易惹風葉嬌才  
半綠花亂不全紅未待銀箏送先令玉笋空

### 挽唐荆川

扈蹕當年染玉毫山中較獵挽烏號英魂一夜歸何處怒湧  
江潮百丈高

趙大佑 一首

大佑字世徽台州太平人嘉靖乙未進士除鳳揚推官徵授監察御史歷大理丞進少卿累遷僉都御史進刑部侍郎遷南刑部尚書就改兵部參贊機務有

燕石集四卷

弇州山人續稿燕石詩和平明爽有朱紘疏越之音五言古近體尤自長城

寄畚川諸君

生涯歸去未全貧斗酒猶堪共論文何日雨中能過我幾年  
花下憶逢君郊扉習靜臨流水草閣抽思對野雲小徑舊曾  
留轍迹可令猿鶴笑離羣

林廷機 三首

戊籤卷十九

土

廷機字利仁閩人尚書瀚子嘉靖乙未進士選庶吉士除檢討遷國子司業進南祭酒就遷太常卿擢工部侍郎改禮部進工部尚書復改禮部贈太子太保諡文僖有世翰堂稿十卷

東南嶠外詩話林文僖有遊虎邱七律云雲梯石磴望重重拄杖來登最上峯竟日微風生院竹半窗飛霧瑣山松何人能識纒金字往事空留試劍蹤為愛老僧頻薦茗夜歸還叩上方鐘按虎邱寺中舊有王子吳鼎寺僧雖寶之而不詳為何物郡志亦闕焉余為按薛氏鐘鼎款識釋其疑滯徵詩銘續遂為吳門第一吉金與焦山無專鼎並有千古矣文僖此詩第五句即指此鼎可知當時已有賞識之者而顧伊人作虎邱志尚以為大香爐可發一笑也田按余檢世翰堂稿文僖遊虎邱詩第五句係何人舊築藏書室疑梁君所見別一本也

西園同年燕集

徐氏園林自幽絕佳辰臺省并騶來亭亭落日煙蘿裊漠漠  
秋雲水檻開地勝恍陪金谷宴節臨先試菊花杯曲江往事  
渾如昨白首相將更幾回

鳳凰臺和李韻

鳳逝臺荒只故邱六朝往事水東流山河誰識帝王宅宮殿  
空成麋鹿遊天迴煙雲開石壁日斜鷗鷺散江洲金陵佳麗  
還如舊惟有登臨使客愁

歌風臺

當年歌沛上霸氣亦雄哉寂寞西京業如今只廢臺

何維柏一首

維柏字喬仲南海人嘉靖乙未進士選庶吉士改監

戊籤卷十九

主

察御史坐劾嚴嵩廷杖免官隆慶初召復官擢大理  
少卿遷右僉都御史厯左副都御史遷吏部侍郎以  
忤張居正出爲南禮部尙書旋罷官諡端恪有天山

草堂存稿八卷

四庫總目朱彝尊明詩綜謂維柏乞休詩云樂事尙饒  
新歲月勝遊不改舊雲山乃侍其父與鄉人爲九老  
會時所作今考乞休詩爲萬厯丙子得旨歸老之作  
而和其父與九老韻七律二首則作於嘉靖戊申乃  
幼嚴嵩後削籍歸里時作彝尊徵引偶誤殆未見此  
集歟

去婦歎贈三溪包公

直木無繁柯安能附葛蘿託身苟得所時命如吾何

康太和一首

太和字原中莆田人嘉靖乙未進士選庶吉士授編

修歷春坊諭德侍講學士遷南禮部侍郎就遷工部

尚書有礪峯集

蘭陔詩話礪峯在翰苑二十年閉戶著書屏迹權門人譏其拙作拙宦對以述志致仕時值莆中倭亂寓嘉禾四年始歸其詩有白髮多情催我老青山無地是吾家庭堆白骨人蹤少鬼哭荒村日色荒燕子不知舊壘破呢喃猶向故園歸皆淒婉可誦

寒時作

春入滄浪覓釣舟淡雲疏雨正悠悠文成祇有窮難送老至  
應知歲不留養鶴尙憐雙口累看花聊減半生愁思家無計  
清宵坐矯首高城月滿樓

馬森一首

森字孔養懷安人嘉靖乙未進士授戶部主事歷郎

戊籤卷十九

三

中出爲太平知府遷江西副使歷參政按察使布政  
使就擢巡撫右副都御史入爲刑部侍郎改戶部坐  
事左遷大理卿起南工部侍郎改戶部以右都御史  
總督漕運兼巡撫鳳陽進南戶部尙書改北贈太子  
少保諡恭敏有鍾陽集

塞下曲

列戟牙旗五色高碧油幢裏醉葡萄可憐營外風沙起夜夜  
征人枕大刀

張舜臣一首

舜臣字熙伯章邱人嘉靖乙未進士累官戶部尙書  
左都御史贈太子少保

山寺

休沐依山寺行行石澗中誰令朝市客盡日坐松風

孫植一首

植字斯立平湖人嘉靖乙未進士除南刑部主事累官刑部尙書贈太子太保諡簡肅

諸翁丈遊西山以病不赴

聞道香山寺龍宮倚石岑泉聲來樹杪雲氣接峯陰路巽丹梯峻檐臨碧澗深無能陪妙躅延望發孤吟

張瀚二首

瀚字子文仁和人嘉靖乙未進士授南工部主事歷郎中出爲廬州知府改大名累遷陝西布政使就遷

戊籤卷十九

十四

巡撫右副都御史入爲大理卿進刑部侍郎改兵部總督漕運改督兩廣軍務以事鑄秩歸起撫陝西遷南右都御史就改工部尙書召拜吏部尙書加太子少保以忤張居正罷歸贈太子太保諡恭懿有奚囊蠹餘二十卷

田按尙書始附和江陵及江陵奪情卒能持正世以此多之詩乃平平

次韻答沈鴻臚

詩篇推正始今復見雲卿錦字湖天遠塵心淮海清尊鱸秋  
日思猿鶴故山情和靖廬邊社因風憶友生

雨夜

積雨凝陰二月寒長宵寂寂坐來殘獨醒應有張平子賦得

閒愁祇自看

陳鳳 六首

鳳字羽伯上元人嘉靖乙未進士除南陽推官改彰

德徵授刑部主事歷郎中出為江西僉事歷四川陝

西參議有清華堂摘存稿六卷

馮汝訥光祿集羽伯五古初啟唐人扁輪後入晉魏

閻與七言歌行豪逸雄俊真得盛唐三昧五七言近

體雅秀清賜王孟之流

楊慎升菴遺文羽伯古詩漢魏遺響近代所僅見七

言長歌與盛唐諸大家埒能爭勝而尤難者在自成

家而不蹈襲非邇日折洗之敵

藝苑卮言陳羽伯詩如東市倡募青樓價微傳粉澤

絕工顰笑

帝里明代人物畧羽伯官刑部主事署中故有白雲

樓暇日與文學僚友眺詠其上稱為西臺雅集

列朝詩集嘉靖中顧華王以湖轄家居倡詩學於青

溪之上羽伯及謝應午許仲貽金子有金子坤以少

後從游相與講藝談詩金陵之文學自是蔚然可觀

田按羽伯五字詩華妙弇州擬之東市倡無乃唐突

攝泉居士許公

玄度邱壑委投册事閒寂治生不厭餘取足在惟適作詩謝

雕績青山恣游歷平生所交親白首共欣戚子也青雲器才

任萬人敵文采照當世藝苑樹奇績悵望攝山泉悽惻山陽

笛

惜別行送朱子平甫使江南

惜別復惜別四牡行行俱吳越長安有客正思歸因君夢遶

秦淮月通籍金門今幾秋長安共臥省中樓相逢日夕共傾

倒劇談大笑輕五侯子本澹蕩人君亦跡馳士感君意氣為

交歡豈識人間別離事盛年藝苑擅風流况復經過六代邱



江上停舟應弔古爲予先賦白蘋洲

雨中酬諸君見過

久雨空堂靜高人載酒過布袍同渡落長鋏任悲歌水氣浮  
高柳秋容入敗荷明朝是九日無菊欲如何士悲白髮至今

同孟孔彰秋日偶然作

久緣朱紱累夢斷白鷗羣幾對宛城月遙憐鍾阜雲開簾看  
秋色散帙坐斜曛絡緯催寒急淒淒不可聞念吳縣秋賦

秋日登雨花臺

落葉山中寺秋風江上臺鳳城雙闕迴牛渚片帆來繁吹暮  
仍急清樽醉復開東籬菊尙晚留取盡餘杯雲巖致士於

舞陽縣舞泉書院

戊籤卷十九

去

碧發春泉出青皋夕照懸聊因謝簿領暫得眺山川綺閣樓  
林杪瑤峯落檻前柳隄晴正媚麥壠氣初暄雲物還茲土絃  
歌感昔賢晚來鏡吹發歸鳥散林煙

林應麒一首

應麒字必仁仙居人嘉靖乙未進士除吳縣知縣遷

惠州同知有介山稿

行路難

白日在天難照陰青銅作鏡難照心古來怨士悲白璧至今  
讒口銷黃金我欲歌此曲此曲哀已深不必漸離筑不必雍  
門琴不必楚妃歎不必梁父吟君不見伯奇履霜申生死子  
胥浮革靈均沈精誠不墜君與父他人悠悠復何愬

田按此詩仙居志作張伯厚詩依戚學標三台詩錄採入介山稿

牛恆二首

恆字槐亭武功人嘉靖乙未進士官周藩左長史

因樹屋書影牛左史周藩宮詞詩雖不多可代夢華錄數卷

周藩宮詞二首

春殿牙籤萬軸餘香勻風細綠窗虛侍兒臨罷誠齋帖函出  
先呈女校書

吹臺南下合婆墳憶昔從王掌祕文今日綺蘿何處是野花  
嗚鳥白紛紛

施峻一首

峻字平叔歸安人嘉靖乙未進士除南刑部主事歷

戊籤卷十九

七

郎中出為青州知府有蓮川集八卷

藝苑卮言施平叔如小邑民築室器物掬完田按平叔七言如南嶽先生句曲去東林長老沃州還藥欄當午蜂偏亂釣檻平溪水不渾河橋細雨舟初泊山郭寒煙梅半開未信年華欺客鬢也知春色到鄰家殊自清脫

過南郭野寺

休沐出南郭尋僧一扣關孤燈燃白晝疏磬滿秋山東帶經  
年苦看雲盡日間齋廚清供罷驚鴿欲飛還

趙統二首

統字伯一臨潼人嘉靖乙未進士官戶部郎中有驪

山集十四卷

宿土門

帝命辭金闕客身宿土門星河虛草閣山壑會花村縱飲添  
山藪長歌倒瓦盆疏狂忘路遠衰薄負君恩

憶魚池灣舊遊

秦王陵下魚池灣斷葦荒蒲近對山白酒黃雞秋興在太平  
只欠一身閒

陳暹 三首

暹字德輝閩人嘉靖乙未進士除大理評事出爲安  
慶知府歷兩淮運使廣西參政廣東布政使有集四

卷

田按德輝五言清拔惜不得其全集錄之

粵西松樹

戊籤卷十九

六

蒼蒼庭下松枝榦碩以修才質詎不美鄙匠弗見收淒風薄  
松枝鳴聲何悲愀悲愀不可識無言以意詼炎荒土氣溼宅  
宇材易蠹竹雞久不鳴白蟻爲寇讐所以梁棟委棄置於林  
邱南橋北爲枳土地職其由移之植徂徠山川邈且遭所期  
飽霜露歷歷春復秋流膏伏龍虎仙鼎終相求

登粵山謁諸葛廟

諸葛龍卧時聞達非所志三顧勞賢主出門答高誼恢復雖  
未竟忠誠萬古垂出師表何人不垂涕王公斯文宗今  
古若神契廟宇高陽廟建風化係伊余謁遺像維時適清  
霽躡崖縱遊眺長風吹衣袂衡嶽青冥中洞庭一何細落日  
散餘霞長空一鳥逝回輿下山阪惆悵白雲際

下邳懷古

汎舟臨古甸荒郊起遐思猶聞石家城復憶圯橋履滾滾黃  
河流蕭蕭馬陵樹今人更來過昔人知何處落日滿津樓脚  
躡未能去

百四許穀

四首 吳前周穀字仲貽上元人嘉靖乙未進士除戶部主事改禮

部吏部歷員外郎中遷南太常少卿謫浙江運副遷

江西提學僉事進南尚寶卿有省中稿二卷二臺稿

二卷歸田稿十卷

四庫總目穀詩格頗俊爽當其合處時得古人之意而

失於芟擇

四友齋叢說余戊午年致仕南都諸公押衡山鶯字  
韻詩贈獨許石城一聯云買得曲池堪鬪鴨種成芳

戊籤卷十九

九

樹好藏鶯殊有雅思

續金陵瑣事石城許公有句云平生愛我無如酒凡

事輸人不但其薛方山極口稱之

列朝詩集仲貽為顧華玉高第弟子風流儒雅以耆

宿主盟詞壇蓋先後相望云

靜志居詩話石城詩頗似大厯十子

田按仲貽律尚華整茲錄其有清思者

過吳門訪文丈

吳門風雨獨停舟重訪仙人洞壑幽錦字滿床多逸興碧梧  
百尺自清秋久拋金馬心逾遠一笑青山意總投慙愧十年  
塵土客又將書劍出皇州

寄孫學職

八人更來學古人

歲首蒙君問謫居冰霜忽訝歲將除風前苦憶瓊枝樹海上  
欣傳白雁書賓榻久懸殊育待雪舟重訪定何如丹山碧水

登臨地肯信年來已結廬

寄文休承

算老同驚七袞餘芳年朋輩總邱墟山中每自看梁月江上如何斷鯉魚往日草堂頰下榻幾時茂苑再停車揮毫見說清強在好寫新篇慰索居

謝政口號

詔過留都喜罷官罪疑遙荷聖恩寬久叨軒冕曾何補乍到林泉已自安郭外旋分桑落酒花間新製鹿皮冠陶然自著閒居賦書遍閒堂竹萬竿

任萬里 二首

萬里字圖南掖人嘉靖乙未進上官禮科給事中有

戊籤卷十九

梅軒詩藁

清音集王西樵云黃門素有剛介之目以疏宮僚忤旨放歸蓬蒿三徑中屢蕭然詩如秋霽澄江蕭森平遠白沙錦石復饒清麗之觀五言如沙岸蘊巖圻遠酒日月淨七言如不妨佳句題青竹更喜繁花媚遠天平沙渺渺自流水芳草萋萋空好看并佳

聞笛

承恩初出塞聞笛更逢秋清比桓伊弄哀添向秀愁關山臨夜月楊柳折邊州一曲那能盡淒涼欲白頭

過戰場有感

萬里秋風吹朔漠千年營壘落寒雕水聲不住東流去疑是秦人怨未消

陳棐 一首

裴字口口鄢陵人嘉靖乙未進士歷禮科戶科給事  
中累遷右僉都御史巡撫甘肅有文岡集二十卷

權店驛

盤陀南來一百里宛如閣道獨門行荆扉茅屋人家少盡日  
潺湲聞水聲

薛應旂一首

應旂字仲常武進人嘉靖乙未進士除慈谿知縣遷

南吏部主事歷郎中出為浙江提學副使改陝西有

方山集

四庫總目應旂識勢論稱黨錮興而漢社屋元談盛而  
晉室傾清流濁而唐祚移學禁作而宋舟覆其初文  
雅雍容議論標致不過起於一二人之獵勝而其文  
乃致怨惡沸騰於寰中干戈相尋於海內而潰敗不

戊籤卷十九

可收拾云云若於七八十年之前預見講學之亡明  
者篤論也

答鄭嘉興

驛舍臨西水相逢鄭子真幽懷在空谷征旆尚風塵日暮憐  
漂泊途窮念苦辛文翁元愛土應不為官貧

陳堯一首

堯字敬甫南直隸通州人嘉靖乙未進士除工部主  
事歷員外郎中出為台州知府改南安歷長蘆鹽運

使廣西參政貴州按察使雲南廣西布政使以右副

都御史巡撫四川遷南戶部侍郎改工部總理河道

召拜刑部侍郎有梧岡集十卷

姑蘇竹枝辭

洞庭山高十二峯洞庭湖上采芙蓉山高水遠不歸去風雨  
來時愁殺儂

盧宗哲 一首

宗哲字濬卿德州人嘉靖乙未進士選庶吉士授檢  
討遷南司業歷南太僕卿改光祿卿有焚餘草

贈張錦衣

朝承節鉞下丹霄霜滿熊幡寵賜貂路繞黃河山簇簇風鳴  
青海草蕭蕭油幢對月閒吹角鐵騎乘冬好射雕爲報諸蕃  
莫輕入臨戎今是霍嫖姚

劉佐 一首

佐字一軒德州人嘉靖乙未進士官參議有遂初堂

戊籤卷十九

三

詩

宿明月寺山房

梵響侵層漢雲香護石牀鶴巢藏古木僧影下長廊良夜催  
銀箭天河發曉光明當辭梵宇暫爾聽寒蟬

郭萬程 一首

萬程字子長閩清人嘉靖乙未進士官刑部主事有

雲橋集

送翁源尉

北客日歸南南鴻亦復北送子出郭門令人心忽忽

駱文盛 一首

文盛字質甫武康人嘉靖乙未進士選庶吉士授編

修有兩溪集十四卷

四庫總目文盛詩文於淺弱之中時有清遠之致文盛官翰林時以不附和嚴嵩移疾不出後貧病垂死有吐言不俗居間者揮之至沒無以葬其胸次本高故

訪友途中滯雨

長河波浪渺無津  
疋馬西風日易曛  
客舍况逢三日雨  
故人猶隔數重雲  
山容慘淡當窗見  
鳥語啁啾近水聞  
信有路難行不得旅愁鄉思益紛紛

陳策一首

策字時偕莆田人嘉靖乙未進士官台州知府

九鯉湖

羽人一去不復還  
湖上猶傳九鯉仙  
流水閒雲空裊裊  
碧桃

戊籤卷十九

三

春草自年年誰從蘿洞招  
真隱剩有丹邱認  
宿緣中夜夢殘樓閣迴一聲海鶴上青天

鄭富一首

富字中虛莆田人嘉靖乙未進士官潮州知府

送馬從甫還莆

握手難爲別  
裘裊雪水涯  
壺公知不遠  
送爾躡層霞

汪宗凱一首

宗凱字子才崇陽人嘉靖乙未進士歷官尚寶卿有

棠谿集

八日同傅山人宿灌谿寺

八日珠林集春懷此暫開  
松雲盤古殿  
蘿月映蒼苔  
池卽諸



天上人傳二妙來十年同覽眺徒倚雪峯隈

李樂一首

樂字和仲瀘溪人嘉靖乙未進士授南吏部主事歷  
郎中出爲河南參議累官太僕卿

沅湘耆舊集和仲游湛甘泉之門清苦嚴正人皆憚  
之詩格清老如野澗花深蜂釀蜜上方鐘定鳥窺人  
名句也

鹿泉洞

石洞冥冥傳有仙太康之後今何年蘭香芷馥浮晴琳夾岸  
桃花紅欲然洞中幽曠堪草立冰崖玉篠生秋妍懸泉瀉出  
碧漪漣誰傍春叢一繫船愧無新詞石上鐫舉頭拍手望青  
天

戊籤卷十九

丙

胡汝霖一首

汝霖字青崖綿州人嘉靖乙未進士累官都御史

岳陽樓

岳陽樓閣倚雲開漢沔風濤日夜來欲弔湘壘招楚客漢庭  
零落賈生才

饒相一首

相字志尹大埔人嘉靖乙未進士官副使

和州道中見隱者山居

曉發和陽城飛輿度平陸遠眺翠微中炊煙起空谷竹木翠  
交加深藏隱者屋我來憇其下幽逕何紆曲嗟我事軒冕半  
生空碌碌長謝青雲客躬耕南山麓

洗桂奇 一首

桂奇字奕倩南海人嘉靖乙未進士官工部主事

飛雲頂

振衣千仞上浩浩御天風恍惚聞仙樂依稀駕彩虹雲半嶺白海日五更紅從此忘歸路優游四百峯

黃釗 一首

釗字珍夫安溪人嘉靖丁酉舉人官温州同知禦倭

被執不屈死贈浙江參議有墮樵錄

田拔珍夫死倭難王弇州為作葬衣冠志又輓詩云  
封後杲胸空有舌哭回弘嶺已無肝

野望

連朝微雨恰新晴沙草含風輒綠平碧水漁人歸棹去夕陽

戊籤卷十九

五

煙樹一痕清

陳紹文 一首

紹文字公載南海人府尹錫子嘉靖丁酉舉人官通

判有中閣集

田按公載乃應天府尹錫子府尹構浮邱心遠亭擅  
園林之勝黃才伯有心遠亭分韻詩云浮邱倚蘭渚  
鬱水環山郭中流結蘅宇炎歊盡銷落黎瑤石有心  
遠亭探梅詩云京兆池亭萬樹芳半臨秋水半含霜  
紀其勝也瑤石又有通公載浮邱心遠亭聽公載彈琴  
諸詩公載以羅浮有中閣自號中閣山人集名以此  
公載與黎公實歐植伯黎瑤石吳而待諸人結詩社  
又同遊黃才伯之門見植伯所作梁比部傳中竹垞  
錄公載詩不能詳其字余為考其詳如此

游梁惟和北園

地迴揚雄宅煙深向秀園泉光分洞口山翠涇籬根選石安

棋局臨花設酒樽莫愁歸路晚明月映柴門

其二首

蔡宗堯字中父臨海人嘉靖丁酉舉人授松陵教諭遷

瑞金知縣改當塗有龜陵集二十卷

西津舟泊

薄暮西津下孤燈歇雨時客懷惟酒賦春事有梅枝月落村  
春急風寒夜棹遲悠哉渾不寐高枕自哦詩

旅宿

旅宿高樓曉窗含煙霧多溪聲添夜雨山翠長春蘿越國懷  
如此燕臺夢若何貪看玉樹小對酒欲長歌

陶庚一首

戊籤卷十九

美

庚字星子雲南府人嘉靖丁酉舉人官承天府通判

自嘲

一宮微歷竟何如半畝荒園手自鋤可笑夷門老賓客等閒

卻上信陵車

郭文涓二首

文涓字稚源古田人嘉靖丁酉舉人官保甯同知有

西亭帚集

固鎮驛書壁

天陰野無人日夕昏氣集村暝暮靄凋木蒼寒颯颯烈焰發  
郵亭宵征度原隰遺歷古邱墟蕭條今郡邑微月鑿帷涼露  
露沾衣濕浮生條如借流晷遞相及胡為勞其生撫膺倍於

卮

銅雀臺

銅雀臺荒漳水濱滿汀蒲柳亂河津古原寂寞邱煙暮廢塚  
荒涼野草春一代玄宮狐兔迹千秋黃土綺羅塵西陵尚挂  
松楸月不照當時歌舞人

戊籤卷十九

三



想想只不消當時歌舞人

銅雀臺荒漳水濱滿汀蒲柳亂河津古原寂寞邱煙暮廢塚

荒涼野草春一代玄宮狐兔迹千秋黃土綺羅塵西陵尚挂

松楸月不照當時歌舞人

想想只不消當時歌舞人

明詩紀事

貴陽陳 田輯

尺蠖

何御二十一首

御字子憲又字範之福清人嘉靖戊戌進士除廉州教授遷國子博士歷都察院都事出為廉州知府遷

兩淮都轉運使有白湖集六卷

田按子憲牽絲海邦再轉京職沈淪卑官故不甚知名古詩妙合音節與寄遙深七律健爽劉汝高錄闕詩不見推挹徐惟和晉安風雅稍見採錄余獲白湖全集特標目與海內共賞之

傷歌行

佳人來南國穆卜啟洞房合歡琥珀枕連理珊瑚牀上牀金

戊籤卷二十

一

孔雀下牀玉鴛鴦重重繡幃覆疊翠衲張不見珍席棄翻同敝帷傷束葦自河蕩裁蒲亦近塘慚此微賤質奉君歲月長絲麻易菅蒯憔悴奪姬姜古來遞如此何訝獨相忘

女兒行

十八長京華遠別淚如泚不見坐車人但見行船者春水發潞河畫船大於屋三日駕北風河干勝轉轂江北多麥枝江南多水稻春稻白如銀不似麥菽好阿女將出門爺孃相持哭勿作原上棗過江化為棘北地饒冰雪南中劇霧雨勉旃加汝餐風氣不相似

古意

君家織素縑落杼皎如雪持以贈孤寒豈不重山嶽向來裁

爲衣歌舞春風渥末由答君恩慚愧雙明月

城東僧舍夜話

涼月在東方稍稍披雲出清影泛高林露華滿川陸眾鳥驚  
復寂墟煙散還宿瀟灑序上人棲遲塵外躡相見究玄境忘  
此吏情促河漢忽西橫梵鐘報華閣

送蕭玉中歸東安

攜酒在河亭忽念春光過行人此時歸芳草猶未暮飛燕拂  
遊絲初蟬響驛路搖搖薊門舟渺渺楚江渡相望隔風塵相  
思積煙霧公暇多新吟因鴻遠惠顧

遊朱園

淹矣束微官浩然思故里去留未能裁歲月忽盈紀感事戚

戊籤卷二十

二

良時撫年慚壯齒及茲簿領餘小集淹朱邸鳴樹多珍禽映  
階有芳芷座遲山雨收席迫溪雲起一悟乘流心得窮觀物  
理纏牽何足疑招尋從此始

粵中雜詩

中夜忽惆悵攬衣循前楹清歌發楚調稍變越中聲側聽豈  
不異勞者宣其情皎皎山月高湛湛園露零眾鳥棲已寂孤  
鴻浩獨征美人在南國何因達遠情

早發廣源閣望西山道上作

西山訪昔遊仍協省中彥佳豫邁芳辰清言出華宴紆徐訂  
前諾延綿得深眷俯窮青野觀仰極玄宵盼梵刹布金銀湖  
光照臺殿千巖雨後姿萬壑晴霞變荷芡隨沿洄鷺鴻遞隱

見行愛嵐氣襲坐惜鳥聲繼殊景紛在茲盈曠詎能遍但獲  
昭曠懷歸途不知晏

夏日山中

孟夏炎氣升坐憐眾芳歇徒步循河濱輕策入林樾偃仰巖  
間松繁迴澗底葛谷幽禽鳥稀苔積石崖滑鱗鱗乍起雲微  
微初上月始經苦力疲久憇遂神豁乃悟草立勞亦鄙書空  
拙儻能怡性靈無爲自戕伐

與邑中諸友尋翫西南陽諸勝

四序互相推二月辰初吉王役稍紆徐鄉國暫假息班生無  
舊廬揚子有玄室側處敦風期素交靄雲集透迤南郭行宛  
轉西郊入迂徑探邃幽高原發昭晰沿厓水漪漪出浦樹歷  
歷在昔懸懷想於今窮攀陟良時不可常茲樂詎云極

戊籤卷二十

三

處女吟

深閨二十不可媒春風吹花覆錦苔東鄰處女年十五已逐  
簫聲齊鳳舞誰憐粉黛輕從人百年易墜千金身傾筐不怨  
梅晚落翦拂雲綃出香閣

寫懷寄晏石橋兼訂武夷匡廬之遊

昔日何日別君行春風楊柳搖金城今日何日我載旌橫江  
渺渺秋風生停車一慨嘯揚袂且徂征白日山鬼出半夜鳴  
鴉鳴兩人三人成市虎止榛止棘何多蠅險巖悲世路憤切  
傷人情紫綬金章棄安恤黃鐘翠釜擊未平吁嗟晏夫子日  
月銷毀終有時王侯富貴只如此麻姑髮已頽鬪戰何能語

金絡空追冀北羣玉壺且待汝南侶緘題到海頭海水悠悠  
悠君當武夷駕吾亦匡廬遊素女垂花寒不隕錦屏疊翠光  
欲流閣上九仙齊拍手雲中五老皆回頭此遊不可孤此樂  
不可紀赤沙玄石淨九秋烏帽青鞋走萬里纏牽結束胡爲  
爾

封水登舟復作

登臚不自嫌循岸寫煩憂風聲生極浦月色漾中流清淺仰  
河漢徘徊觀女牛擢歌何處發聽此心悠悠

秋夜懷楊子立

雨後開簾爽氣生綠槐庭院坐初晴明河倒瀉星辰溼涼月  
高懸風露清欲倚簫聲傳鳳曲祇愁刀尺動秋聲夜聞白苧

戊籤卷二十

四

歌淒切南國佳人繫遠情

返別業述

東粵馳驅厭短篷南溪瀟灑近冥鴻陰符篋裏三年閉道錄  
牀間幾歲通野獺頻隨射虎將山居未學養雞翁海門忽報  
生烽燧欲奪旄頭第一功

獨坐念海寇未除

伏雨闌風助寂寥海門東望旅魂銷千家燹後傷春草萬姓  
歸餘哭暮潮日月東升氛未息豺狼西入氣猶驕千秋擊節  
思名將衛霍何因在漢朝

陌上吟

春風盈御陌驅馬多如織綠衣下馬郎相問不相識



塞上曲

三軍變胡服一夕過陰山奪得名王婦雙提馬上還

揚州曲

老老餘束巾一機連百幅生男不出門生女嫁南北

卽事

雷聲隱隱出深谷雨色蕭蕭來遠舟溪添春水忽盈丈鷓鴣

鷓鴣滿意遊

過徐州

歲歲春風生紫霞徐陽三月爛桃花笙歌一夜隨流水認得

青樓第幾家

喬世甯 十七首

戊籤卷二十

五

世甯字景叔耀州人嘉靖戊戌進士除南刑部主事

歷郎中出爲四川僉事歷湖廣提學副使河南叅政

進四川按察使有邱隅集十九卷

藝苑卮言喬景叔詩如清泉放溜新月掛樹此景殊  
少不耐縱觀景叔已酉歲以楚藩參入賀萬壽余時  
見之短而髻温然長者也所有行卷僅百餘篇耳頗  
膾炙人口又十餘年景叔卒近有以其邱隅集來者  
云景叔所自選余猶記其行卷內一七言律寄王太  
史元思謫戍玉壘者云學士兩朝供奉年上林詞賦  
萬人傳一從王壘長爲客幾放金雞未擬還聞道買  
田臨灌口能忘歸馬向秦川五陵他日多豪俊空望  
城南尺五天詞頗佳而集不之選何耶  
盛明百家詩景叔詩爲時推重謂在康對山王泮波  
之上  
明詩選李舒章曰景叔清穩特少沈入之句  
靜志居詩話何仲默視學秦中景叔親受詩法譚必  
移日故其詩整而不浮與許少華肩並餘蘆有過焉  
者  
田按景叔論詩云七言律起於唐沈杜爲宗而律體

尤難工獨取蘇頌望春格律完粹冠於諸子與李何持論稍不同五律有唐人格意清圓宛轉不愧作者

### 臨高臺

臨高臺下臨深谿上有樓觀中天開觀日滄海海水一杯僊  
人靈藥在蓬萊望而不見思悠悠日臨高臺仙人來不來

### 歲暮吟

玄冬雪霰日交野雲黯慘冰山高林莽晝昏風怒號芷蘭  
委地等黃蒿鶯鷓野立豺虎驕中原鴻雁聲嗷嗷我心切怛  
增煩勞

### 七夕過潼關馮董二舉人招飲溫泉

相逢難此夜遊宴過華清何處長生殿當時無限情山花送  
繡色宮樹滿秋聲罷酒中庭月蕭然客思生

### 戊籤卷二十

六

### 客鷲峯寺聞棹聲

古寺長干曲時聞鼓棹歌雲林吾已愜江海復如何坐想滄  
洲近興隨漁父多西津日薄暮看盡楚帆過

### 月夕再登合江樓有懷舊遊

往歲今宵月羣遊眺水城江樓還獨上秋月爲誰明攬贈心  
仍切嬋娟夢易生天涯有高興應憶鑒帷情

### 寄憶嘉州任夢錫副使

世途不可問良晤渺難期江草綠誰發江雲獨爾思買田應  
附郭移舍想臨池况復峨眉近遊山定有詩

### 春江曲

一水平如鏡耶溪望轉幽輕盈游女珮喧動采菱舟欲蕩青

春日還生白紵愁何如寶家婦織錦上高樓

同部中諸友城南登臺

白雲望不盡況復臨高臺春色滿天地客愁何處來他鄉逢  
此日萬事且銜杯有酒不同醉山花空自開

出京別沈江村

客繫長安日琴尊日過從別離還此地搖落正玄冬去國非  
吾願思君何處逢到知江草發誰共采芙蓉

答太和尹舉人寄書兼訊兩湖陳子

江湖日悵望萬里一書來尊酒幾時共瑤華空自開聞持白  
雪賦欲上黃金臺爲謝陳書記清朝獨愛才

晚晴

戊籤卷二十

七

雨色動春寒浮雲返照殘宴遊會幾日花落滿長安江海仍  
多病靡蕪只自看况逢湖雁過客思詎能寬

胡隱君環溪

聖代方招隱高人獨倦遊環溪懷故業歸棹及新秋江滸一  
相送鄉關各自愁遐心如可慰予欲卧林邱

送田郡博歸漢陽

微官仍罷去江上別愁深棄置今何歎沈冥古所欽鶴樓間  
尙在仙侶好相尋予亦倦遊客因今懷故林

雨夜舟中

江村秋雨夜落葉滿楓林留滯孤舟客蕭條歲暮吟檣燈還  
自照雲氣坐來深忽憶滄洲趣令人動遠心

病中聞揚州寇報

海上氛祲蕩日長羽書今報過維揚正愁關塞多戎馬况復  
江淮作戰場未斷鯨鯢流血常從霄漢望天狼干戈白首  
憐生事臥病空山秋草黃

春日

白下春來雲氣深南天霧雨常陰陰誰家歌鼓日爲樂千里  
故鄉時在心海雁如何獨不見江離况復助悲吟開門恰對  
長干曲散步仍慙綠樹林

望九疑

衡山杳靄接蒼梧御氣龍華定有無一望南荒悲帝子傷心  
何處訪仙都空餘斑竹淒湘浦遺恨黃陵叫鷓鴣煙雨楚天

常不斷祇愁雲散九疑孤

戊籤卷二十

八

沈鍊一首

鍊字純甫一字子剛會稽人嘉靖戊戌進士除溧陽  
知縣改桂平清豐入爲錦衣衛經歷坐劾嚴嵩廷杖  
謫佃保安尋爲嵩所陷僂於邊陲慶初贈光祿少卿

天啟初追諡忠愍有青霞集十一卷

四庫總目鍊文章勁健有氣詩亦鬱勃磊落肖其爲人  
徐學謨世廟識餘錄錦衣衛經歷沈鍊以論嚴嵩父  
子發口外爲民編籍保安鍊自負狂直開書院招四  
方遊士議朝政得失凡遇搢紳往來必斥毀嚴氏父  
子或時馳馬至居庸關下南望敏手唾罵繼以鬪哭  
又傳檄京師欲起義以清君側之惡是時趙文華既  
得罪嵩父子疑懼思以自保會有人以鍊狀來告者  
嵩父子懼欲殺鍊以滅口乃授指宣大總督楊順圖  
之會大同告急上日夜憂危之而順方殺平民奏首  
功蒙上陞廕者屢矣獨畏鍊口不靖則以貨遺之冀

密護其短鍊一日遺順詩曰殺生報主意何如解道  
功成萬骨枯試聽沙場風雨夜冤魂相喚覓頭顱順  
得詩大懼事露乘白蓮教起乃搆鍊陷之於死  
明詩選陳臥子曰青霞快男子詩亦俊爽

### 送徐縣博員繁昌

奉檄出河濱行看柳色新一官甯足貴五斗祇因貧絳帳樽  
中酒青氈馬上塵故鄉雲樹近早晚望慈親

### 周怡一首

怡字順之甯國太平人嘉靖戊戌進士除順德推官  
擢吏科給事中坐言事廷杖繫獄得釋尋復逮繫大  
高元殿災釋出隆慶初起故官遷太常少卿出爲山  
東僉事改南國子司業復詔爲太常少卿天啟初追  
諡恭節有訥齋文錄十卷詩錄九卷尺牘四卷雜錄

### 戊籤卷二十

九

### 三卷

### 舟夜大風

歸程十日尙瀛洲去國遲遲惜晚秋野興耽人餘斗酒客情  
隨處宿扁舟江鄉此去無勞夢險阻年來不解憂一夜天風  
還誤喜只疑吹到海東頭

### 徐良傳二首

良傳字子弼東鄉人嘉靖戊戌進士除武進知縣徵  
授吏科給事中以言事斥爲民有愛吾廬集八卷

田披黃門以迎仙宮成朝議稱賀上疏忤旨罷歸立  
身自守本末詩澤古不深而音節自亮如危氏重貞  
堂詩可以廉頑立懦

### 危氏重貞堂

重貞堂在何許阿姑與阿婦辛苦世無侶阿姑二十稱未亡  
階前夜雨唳寒蟄誰知阿婦亦復爾兩世六月飛嚴霜姑語  
婦黃口無存汝難守婦謂姑誓與阿姑骨同朽共持寸鐵肝  
各保千金軀輝輝雙白璧照耀人寰區吁嗟薄俗難具陳朝  
遊燕壘暮入秦一生自詫長樂老五世誰念相韓人婦人立  
身不草草何況七尺垂冠紳吁嗟薄俗難具陳

龍山雜言

虹石橋邊村巷龍珠山裏人家莫道仙源易認春來處處桃  
花

千金陂懼歌

黃塘口外棹歌收坐看巴華幾派流疊鼓正翻獅子峽鳴笳

已近虎頭洲

戊籤卷二十

十

袁煒一首

煒字懋中慈谿人嘉靖戊戌第三人及第授編修歷  
侍讀侍講學士擢禮部侍郎加太子賓客改吏部進  
禮部尚書加太子少保改戶部兼武英殿大學士典  
機務累加少傅兼太子太傅建極殿大學士贈少師  
諡文榮有集八卷

世廟識餘錄上蓄一猫在永壽宮乃山西晉府所獻  
者解人意上極憐愛之一日忽斃以金棺葬之萬歲  
山下薦以齋醮令諸臣撰青詞超度禮部侍郎袁煒  
詞中有化獅作龍語上極稱善煒他詞妙麗奇詭往  
往多巧思出他詞臣表寵眷特優吳中布衣有王逢  
年者客煒所雅倩為酬應古文逢年恃才信筆成篇  
不加點綴偶有屬草大哂煒意疏之逢年投書門者  
飄然辭去書云執事以時文發科以立文拜相安知

世有古文者京師喧傳逢年書以爲眞焯之寶錄無不捧腹者  
野獲篇世廟居西內事齋醮一時詞臣以青詞得寵眷者甚眾而最工巧最稱上意者無如袁文榮焯董尚書份然皆諛妄不典之言世所傳對聯云洛水元龜初獻瑞陰數九陽數九九九八十一數數通乎道道合元始天尊一誠有感岐山丹鳳兩呈祥雄聲六雌聲六六六三十六聲聲聞於天生嘉靖皇帝萬壽無疆此袁所撰最爲時所膾炙他文可知矣

### 冬夜院中齋宿

玉堂清接禁城陰庭樹蕭蕭夜氣森咫尺天南雲縹緲瑤壇應候翠華臨

### 萬虞愷一首

虞愷字懋卿南昌人嘉靖戊戌進士除無錫知縣徵授南兵科給事中出爲山東參議歷福建副使貴州

### 戊籤卷二十

十一

參政進福建布政使改山西擢南右副都御史徵拜刑部侍郎有楓潭詩鈔

### 鵝湖舟中卽事

八月尋幽偶泛槎水邊茅屋有人家家兒女能蕩槳爭入殘荷看晚霞

### 蔣宗魯一首

宗魯字道父普安衛人嘉靖戊戌進士除濬縣知縣徵授戶部主事歷郎中出爲成都知府遷雲南副使歷河南按察使就遷布政使以右副都御史巡撫雲南有集

田按道父歷官有政績其知濬縣有嘉禾及蝗飛出境之異濬人王璜作頌及序紀之按察河南糾伊府

之唐置之法巡撫雲南定阿堂之亂秦罷採石大理  
立蘇民病許仲貽寄蔣中丞詩云吳門常記奉高談  
別後逢人謝錦函呂伯向時留陝右孔明今日在滇  
南內臺出鎮名元重貴竹移家俗舊諳柔遠暫勞調  
鼎近獨愁無地盍册簪其爲名輩推重如此

碧雲洞

澗道風湍開遠巘石門花霧帶平川蓬瀛舊有神仙侶對酌

滄洲思渺然

陳昌積 一首

昌積字子虛泰和人嘉靖戊戌進士授禮部主事遷

尚寶寺丞兼翰林五經博士有兩湖集三十四卷

田按王浚川數當時作者江右有尹子陳子尹子爲  
洞山陳子則子虛也子虛詩調鬪亮惜不傳其全集  
錄之

戊籤卷二十

主

湖興

水淨雙湖菡萏幽卜居性僻愛林邱長憑藥裏供多病聊借

書籤散亂愁片葉得風隨澗水孤花和雨泣蘋洲故人厚祿

書全少惆悵空登王粲樓

黃注 一首

注字汝霖信豐人嘉靖戊戌進士除長興知縣徵授

吏部主事有集

南野道中

山上蘼蕪綠未齊山中愁聽鷓鴣嘯到來客路行無盡纔過

前溪更後溪

楊載鳴 一首



載鳴字虛卿泰和人大學士士奇五世孫嘉靖戊戌  
進士除潮州推官徵授吏部主事以事謫將樂典史  
累遷廣東提學副使召拜通政使有大拙堂集九卷

萍鄉

故園煙樹渺蒼蒼楚水巴山去路長最是孤懷無奈處亂峯  
殘雪度萍鄉

王炯一首

炯字幼明清平衛人嘉靖戊戌進士除南部知縣遷

興化同知有闡齋詩稿

黔詩紀畧聞齋強仕投箸泊焉自適以風雅爲鄉里  
倡好平越備山水幽勝習靜於高真觀與國吳國倫  
贈詩云不覩遺榮賦誰知好道心巢雲開石室采藥  
入青林遂與世人絕杳然仙路深淨邱如遇吾意

戊籤卷二十

三

耕隱

學道無成學老農村居一徑野雲封負鋤採藥尋仙去知在

隔江第幾峯

茅坤一首

坤字順甫歸安人嘉靖戊戌進士除青陽知縣改丹  
徒徵授禮部主事改吏部左遷廣平通判遷南兵部

主事擢廣西僉事進河南副使有白華樓藏臺十一

卷續臺十五卷吟臺八卷玉芝山房臺二十二卷臺

年錄七卷

春味人大學士士奇五世孫嘉靖戊戌

四庫總目秦漢文之有窠曰自李夢陽始唐宋文之有

窠曰則自茅坤始

盛明百家詩蔡白石云鹿門文勝於詩

田按唐宋八家文選自朱伯賢始明中葉未盛行自

唐應德王道思矯北地劉夔秦漢之弊順甫選八家

文鈔盛行於時可稱好事

### 叢山關曉發

山色秀可掇良契遊子襟涼雲寫曲澗白日耀高林竹間露

猶泣巖阿風乍沈人煙互惹樵樵路仍岷嶽安得攜良朋於

此援鳴琴拂衣一再鼓山水揚清音

### 莫如忠 二首

如忠字子良松江華亭人嘉靖戊戌進士除南工部

主事改禮部歷員外郎中出為貴州提學副使中道

投劾歸改湖廣副使歷河南參政陝西按察使浙江

### 戊籤卷二十

古

布政使有崇蘭館集二十卷

四庫總目如忠詩頗具唐音五言近體尤多佳句文則

題跋頗為雅令

明詩選陳臥子曰方伯名德羽儀詩多朴易

藝苑卮言如忠行草風骨朗朗亦善署書

畫禪室隨筆吾細莫中江方伯書學右軍自謂得之

聖教序然與聖教序體小異其沈著逼古處當代名

公未能或之先也予每詢其所由公謙遜不肯應及

見右軍官奴帖真跡儼然莫公書始知公深於此

列朝詩集子良善草書詩尤工近體

### 卽事弔古

驛路紅梅始著叢春光將半未全融蓬扉曙色經冬雪麥隴

餘寒盡日風殘劫有灰秦故國疏鐘籠日漢離宮古來無限

興亡慨莫倚肴函百二雄

### 遊北禪寺

香界追攀十載曾，薜蘿深處翠微扃。齊梁古蹟餘雙樹，水月  
玄心印一燈。山鳥弄晴春冉冉，閣雲凝碧晝冥冥。投簪莫訝  
歸無侶，猶有逢迎白社僧。

周鯤一首

鯤字少魚莆田人嘉靖戊戌進士官江西副使有章

林巖藏菴

蘭陔詩話章崑以辨冤獄忤權貴罷歸隱章林山中  
澗衣籜冠從兩奚童策蹇衡轍躡道中望之不知爲  
貴人精染翰片蹏寸縹人爭寶之詩亦饒風致

病起

世難逢多病年，飢倍隱憂三旬長。閉戶五月尙披裘，戍鼓催  
城夜烽煙失。麥秋有懷龔渤海，兵甲散春疇。

戊籤卷二十

五

王崇義一首

崇義字子由淄川人嘉靖戊戌進士授刑部主事出  
爲甯波知府有見一詩稿

送趙露泉僉憲陝西

仙郎繡斧入三秦，十月闐城朔氣新。鳴珮共憐雲署冷，看花  
仍憶曲江春。乾坤西北煩戎馬，海嶽中原識鳳麟。獨羨終軍  
正年少，清朝未擬駐車輪。

黃洪昆一首

洪昆字協恭莆田人嘉靖戊戌進士官江西副使有

瞻雲集

送胡龍江歸浙

路歧看不盡木落雁飛遙別後相思夢秋江幾暮潮

林萬潮 一首

萬潮字養晦莆田人嘉靖戊戌進士官贛州推官有

當平上贛州集

寄陳少峯

燕子磯頭秋水生鳳凰臺上暮雲平相思一夜令人老愁絕  
空林鶡鴒聲

陳應魁 一首

應魁字孚元莆田人嘉靖戊戌進士官浙江副使有  
梅山詩稿

渡江

戊籤卷二十

六

東風吹雨暗難開更向茫茫海上來日暮愁吟魂欲斷鷓鴣  
嘯上越王臺

符驗 一首

驗字大克黃巖人嘉靖戊戌進士授南福建道御史  
謫建安知縣累遷廣西僉事有松巖遺稿

林縣黃華寺

千峯萬峯積翠饒遠水近水通溪橋自憐不是神仙骨空憶  
當年王子喬

混新 一首

新字伯明洛陽人嘉靖戊戌進士除行人遷戶部主  
事有太谷集二卷

四庫總目二溫詩集新與弟秀撰秀游李夢陽之門故詩多充厲之音新詩刻意學杜而僅得浮聲蓋亦宗北地之學者也

習池

昔聞少陵詠今過習家池下馬穿幽徑新楊滿地垂青荷元白蓋碧水暗通溪謾有山翁興何由醉似泥

劉乾一首

乾字仲坤唐入嘉靖戊戌進士官國子監丞有雜土

集六卷

琴

靜聽七絃鳴瀏瀏松風瀉一彈明月來再彈立鶴下

王健一首

不成籤卷二十

七

健字偉純永嘉人嘉靖戊戌進士授刑部主事改禮部歷員外郎中遷南光祿少卿有鶴泉集

樂清道中

雨餘驛路靜埃氛鳥弄清歌到處聞山轉樹陰牽落照江空帆影亂行雲晴天四面樓臺出勝地千重洞壑分臙愛嚴亭堪把釣洗心卻愧白鷗羣

馬廷錫一首

廷錫字朝寵號心庵貴州宣慰司人嘉靖庚子舉人

授內江知縣有漁磯集

默詩紀畧王文成諡龍場驛丞武陵蔣信道林走館場受業楚中傅姚江學者道林得其真醇心庵鄉裏後一年道林以副使提學貴州學者翁然宗之而心庵爲之冠道林告病歸築精舍於桃花岡聚徒講學

心庵謁選蜀令才二歲卽投簪走桃岡卒業乃歸與  
清平孫淮海先生爲性命交構棲雲亭於會城南漁  
磯上靜坐其中爲巖以自警曰必極靜極清以至於  
極定始長覺長明以至於長存澈頭方了道入手莫  
言貧其勵志如此南方學者爭負笈請業源磯棲雲  
間儼嗣桃岡之盛  
田按心庵與清平孫淮海思南李同野齊名郭子章  
撫黔走別鄒爾瞻江上爾瞻曰黔中孫淮海李同野  
馬心庵皆致力斯學惜君不及見耳子章輯黔記合  
三公爲理學傳姚江明儒學案於吾黔講學者皆置  
之不錄豈非缺典余欲輯黔人學案因錄心庵詩附  
著其論於此

### 山中吟

春陽律轉先深山村花柳回雕顏鳥鳴高樹聲關關幾家  
煙火自村落春酒熟時相往還

### 劉焯一首

焯字元麗海鹽人嘉靖庚子舉人官監察御史有同

### 戊籤卷二十

六

### 春堂遺稿四卷

### 悲妓

十六彈箏學舞笙蝦蟆陵下舊知名而今絃調還如昔公子  
相逢不肯聽

### 程應登二首

應登字思進長治人嘉靖庚子舉人官睢州知州改

### 延慶有棲霞集

### 七月望日西寺晤一菴中甫

欽君一壺酒蘿徑掩禪扉說劍心何壯談詩興欲飛疏煙浮  
晚竹涼月墮秋衣坐久聞孤磬冷洽思入微

### 和李裕州送呂山人南還

新安何處是雲水思依依秀句囊中滿孤帆天際飛深山愁  
獨鳥古木挂斜暉遙憶煙波外松蘿晝掩扉

方輿邦 三首

與邦字懋藩莆田人嘉靖庚子舉人官廣西參議有

霽村集

蘭陵詩話霽村近體師法杜陵沈著無弱調

田按懋藩官京曹時與宗子相倡和子相答懋藩詩  
云念我遂傳清夜曲開函半是白雲篇頗致推挹懋  
藩近體爽健有唐賢遺韻

慈仁寺重別孫四兄員外

昔年臨此地杯酒與君期  
怨別仍千里重逢定幾時  
岸明殘雪斷山纒夕陽遲  
獨上毘盧望蒼茫倍有思

得亭夫書

戊籤卷二十

九

汝昔趨青瑣批鱗有諫書  
世情難共棄古道竟何如  
武騎功名薄文園歲月虛  
不知風雨後誰過夕郎廬

歲晚

歲晚風煙動頻驚羽檄來  
三吳仍寇盜萬井半蒿萊  
不見謝安起其如庾信哀  
音書久蕭索更上望鄉臺

霽村集

與洪宰懋藩莆田人嘉靖庚子舉人官廣西參議有

霽村集

與洪宰懋藩莆田人嘉靖庚子舉人官廣西參議有

與洪宰懋藩莆田人嘉靖庚子舉人官廣西參議有

明詩紀事

貴陽陳 田輯

戊籤

邢一鳳

一鳳字羽伯龍江衛人嘉靖辛丑第三人及第授編修歷侍講進太常少卿有雉山集

登茅山

暮春三茅風日清飛飛白鶴天際鳴野人偶來得至道老翁何處鉏黃精華陽洞口青松古錦石峯頭新月明仰天倚劍發長嘯不知身世在蓬瀛

陸樹聲

戊籤卷二十一

樹聲榜姓字與吉松江華亭人嘉靖辛丑進士選庶

吉士授編修歷南司業左諭德太常卿擢吏部侍郎進禮部尚書加太子少保贈太子太保諡文定有集

暮春二十六卷

筆塵嘉靖數十年間海內清望平泉先生為第一

趨詣猶以前輩事之詞林禮數舊如未幾陸竟致

任去總性格非合聞江陵宴陸數易新衣令人整刷

鬚鬢示更新從時宜意江陵亦癡奈何以浮榮嚇清

雲間志畧高新鄭在政府遇事稍不當意輒曰吾不

如陸平泉陳繼儒見聞錄佘山慧日院佛像落成徐文真入山

中奉世廟欽賜蟒衣一襲付僧圓實因賦一絕云單衣露冷宿曇華誤縮宮袍傍帝車拈向山門君莫笑

細看還是舊袈裟丁酉陸平泉八十有九矣亦以禱衣一襲付慧日院手書偈於衣之表云解組歸來萬慮捐盡將身世付安禪披來戒衲渾無事不向歌姬



爲乞緣此二事東坡解衣留鎮山門同一風流也  
田按文定清望有東漢人風詩亦蘊藉稱其爲人

### 顧京兆園居和莫方伯韻二首

端居嬰俗鞅結思在雲林擬並高人駕還諧靜者心屏虛山  
入座徑密樹交陰彷彿還迷路幽尋不厭深

窈窕城隅隱陰森灌木繁地偏宜避俗興慙自忘言雲砌花  
陰覆風階草帶翻偶來淹勝賞吾意亦邱園

### 北禪雙樹

歲遠香臺半劫灰斷碑遺跡掩蒿萊回看雙樹聞僧語此日  
清陰是再來

陸樹聲禪林餘藻馬嗜古刹歲久漸圯地爲居民侵  
蝕者半獨殿前雙樹屹立度僧臘無數兵後余司取  
材議及焉余護存之他日過寺寺僧是榮引余讀舊  
碑出雙樹下顧余曰是木向微公幾已化去今清陰

### 戊籤卷二十一

宛在實仗再來緣願一言貽山門因題識廡壁以戒  
芻牧

田按文定北禪小像軸萬歷戊戌葉時芳寫庭列雙  
樹公坐樹下一僧對坐兩童子侍公自題云法林會  
憶舊生緣十載修成破戒禪悟得本來真面目爲渠  
拈出向人前孫克弘題云早持海印證禪宗理窟同  
參引上公千古契機誰得似居然黃葉舊家風董其  
昌題云男婚女嫁得團圓樂九十餘年現宰官若問師  
承在何處門風壁立白雲端陳繼儒題云空門冷淡  
舊生涯說法唯拈笑裏花九上公休脫錦山僧看  
是破袈裟又有章憲文殷廷樞蔡懋昭蔡逢辰陸應  
賜詩此軸今藏余齋

### 方逢時十五首

逢時字行之一字兆行嘉魚人嘉靖辛丑進士除宜

興知縣改甯津曲周徵授戶部主事改工部歷員外

郎中出爲甯國知府遷廣東副使改山西進右參政

以右僉都御史巡撫遼東改大同進兵部侍郎總督

宣大山西軍務進兵部尚書加太子少保總督如故  
召理戎政還部視事加太子太保進少保有大隱樓

集十六卷

龔甄洞續葉少保詩才情美音節調其氣豪若不羈  
純乎唐音

明詩統金湖隨地隨事皆有吟詠隨詠輒工古選摹  
曹陸近體上下高常侍劉隨州

田按尚書與王學甫力主款議邊陲不受兵者數十  
年世稱方王然王得諡襄毅而尚書諡典不及考款

議之成新鄭江陵主之及尚書還部與江陵議不協  
九疏乞休去未逾年江陵死尚書歸十五年訖未起

用以江陵鄉人故也歿後葬祭諸典缺如至萬厯四  
十一年尚書子日接疏請優卹是時福清持閣柄始

許賜祭賜葬賜廕而易名之典終未許也尚書早與  
吳明卿談詩清婉動人畧無猛厲之音

宿潞河驛

朝出春明門暮宿潞河驛寒日下平原朔雲迷廣陌行邁心

戊籤卷二十一

三

靡夷戚戚抱悽惻王事日鞅掌世途轉崎仄元冬燠如春黃

塵翳天未氣機信多訛調燮豈乖術真宰不可求天閭九重

隔撫景一悲歌長空羨歸翼

南園歌

燕山冰雪春猶劇對酒喜遇南園客南園風物近如何邀我

為作南園歌玉壘天長春草碧九河煙暝春瀟急陌頭楊柳

隴頭雲海上青山天上月我昔曾向南園遊鳥嘯芳樹花迷

朝美人垂手柘枝舞伶兒促拍鷓鴣謳別後風塵隔海涯夢

魂常傍玉仙家歸時為問灌園者春到甘棠幾樹花

燒荒行

漢家禦虜無奇策歲歲燒荒出塞北大磧平川絕鳥飛濛濛

龍庭暮雲黑秋風蕭蕭邊草黃胡兒牧馬乘秋涼將軍令下  
促燒草衙枚夜發何倉皇邊頭路盡迷行迹黃狐赤兔如人  
立陰崖舉火各因風烈燄夜照陰山紅山頭突騎飛流矢幾  
人還向火中死白骨成灰散不收慟絕胡天作冤鬼東風吹  
綠舊根萸乾坤回首又春歸惟有遊魂歸不得年年空逐野  
煙飛

岔道

重關開八達岔道擁孤城寂寞三家市羈危獨戍兵雨霑沙  
草長風激石泉鳴經畧者誰子猶題石上名

驚秋

江表棲遲歲月流荆溪風物又驚秋清癯顧影憐孤鶴飲啄  
忘機愧野鷗盧橘洞庭香漠漠蓴鱸鄉國興悠悠由來楚客  
多悲思臨水登山賦未休

寄吳惟德尙寶

聞君久客西湖上悵望停雲不可招天竺暝鐘和雨聽孤山  
晴色隔江遙南塘夢草春多思北谷鶯聲晚自調白玉山中  
好泉石謾教猿鶴怨蕭條

上巳日過衡水

風雲黯淡過衡水節物蹉跎感異鄉淺渚迴流橫小艇荒村  
社鼓開斜陽霜繁碧草經春短天遠歸鴻傍客翔十載素衣  
半塵上不知何處是滄浪

再遊鉢池山次周水部韻

境入招提一徑微參差臺殿散晴暉客來山靜惟聞磬僧定  
雲深不掩扉象外煙花秋欲盡水邊燈火夜初歸浮生尙覺  
迷津遠迴首東林愧鳥飛

留別曹刑部周水部湯戶部

遨遊喜結天涯興離別其如歲暮心作賦共攀叢桂樹扣舷  
獨唱度江吟家鄰七澤孤雲遠夢遶三洲落日深酒盡沙頭  
催去鷁不堪重聽塞鴻音

九月二十九日莊居偶成

十日不到秋忽深草黃木落何蕭森菽粟已登場圃滌鴻雁  
下集洲渚陰誰家機杼響茅屋何處壺觴來竹林身謝樊籠  
心夷宥拄杖曳履時高吟

戊籤卷二十一

五

粵王臺

中原不逐秦皇鹿絕域虛驕漢帝才紫蓋黃旗成草莽蒼山  
赤水尙樓臺徒聞几杖三朝錫終見戈船萬里來千古興亡  
君莫問漫將花鳥醉深杯

清江棹歌

古岸春回楊柳新長淮冰泮碧粼粼鳴榔振柁揚州去打鼓  
燒錢賽水神

琵琶亭

流落天涯不記春檀槽金撥欲成塵空江明月相逢處一曲  
相思總未真

溪行雜咏

小舟搖曳溪橋畔古寺荒涼草樹間獨立羣微最深處斜陽影裏一僧還

汎襄江

襄江春水色如染畫舫乘春取次過芳草綠楊何限意更無人唱大隄歌

王崇古一首

崇古字學甫蒲州人嘉靖辛丑進士除刑部主事歷

員外郎中出為安慶知府改汝甯歷常鎮兵備副使

陝西按察使河南布政使以右僉都御史巡撫甯夏

進兵部侍郎總督陝西延甯甘肅軍務加右都御史

改總督宣大山西軍務加太子少保兵部尚書總督

戊籤卷二十一

六

如故進太子太保召理戎政加少保遷刑部尚書改

兵部贈太保諡襄毅有山堂彙稿

明詩選李舒章曰司馬意色間整殊有緩帶之風

靜志居詩話襄毅詩格聳高橫槩自喜然按之無

儒響

庚戌九月將赴金陵夜泊廬陽郵亭聞虜犯近郊

江上初收雨嚴霜已渡河漢兵聞出塞胡騎竟如何雁陣凌

秋盡笳聲入喜多武陵遺曲在慷慨不成歌

萬士和

四首

萬士和字思節宜興人嘉靖辛丑進士選庶吉士授禮

部主事改南兵部歷員外郎中出為江西僉事歷貴

州提學副使湖廣參政江西山東按察使廣東布政

使遷應天府尹未赴進右副都御史督南京糧儲召拜戶部侍郎總督倉場改禮部再改南禮部召拜禮部尚書以忤張居正謝病去起南禮部尚書不赴贈

太子少保諡文恭有履菴集十二卷

靜志居詩話履菴出荆川之門詩派從其師指授然荆川集中罕存酬和之後故履菴有姓名不挂更何論之句及督學貴陽以作詩另入一格荆川乃許之曰讓汝出頭蓋荆川初入館局學初唐晚年效邵堯夫謂其天機自動未免頽然自放矣履菴雖宗擊壤而習染未深觀其黔南諸作頗有似柳柳州者田按履菴督黔學以愛土名黔士苦旱創竹爲箸屑木爲香績絲爲網多自贖金糴粟數十石積於履菴傲晦翁社倉遺意以贖金糴粟數十石積於官視諸生貧乏之差而多寡其數以散之不責其息豐年取其耗二十之一凶歲則緩其期似水壺形如鴨馬心菴爲諸生師其聘啟云先生顏似水壺形如野鶴稟榮名而修性命脫凡近以遊高明寒潭見底占斷漁磯一灣明月當空坐破蒲團幾箇遂覺江山

戊籤卷二十一

七

有主時將詩句傳神共扶名教願借高賢暫出精廬增光書院心菴爲陽明再傳門人時稱善教履菴論詩云乏探索之功尙餘釘之體摘章摘句割截破碎比如越羅蜀錦寸寸而裂之又寸寸而縫之尙可以爲衣乎蓋爲當時摹擬者發也

舟中雜懷

幻世卽虛舟蕭然作遠遊意齊鵬鷗適名爲觸蠻羞初日寫孤樹長風破逆流隨緣信有樂何處欲銷憂

舟過壺頭雨至

雷送空聲雨不遲蕩舟壺口杳何之青山閱世自千古白鷺沒波無四時氣候逼人秋索索風塵行役鬢絲絲文淵信有男兒志卧看飛鳶也動思

次答莫生韻

避人猶爲世驚猜，擣散何妨處不才。官政無心惟學圃，病身如客強登臺。自扃草閣留雲住，閒愛柴門傍水開。君欲問奇無一字，空持新律扣關來。

晚歸山庄

因耽幽寂住山家，城郭歸來日半斜。林靜祇聞喧鳥雀，詩成疑已帶煙霞。浮名謾逐蕉中鹿，空影誰猜壁上蛇。今是昨非堪笑處，去年投賦弔長沙。

林懋和 三首

懋和字維介，閩人。嘉靖辛丑進士，選庶吉士，改禮部主事。歷郎中，累遷廣東布政使，有櫟寄雙臺二集。

田按維介詩婉轉清圓，是閩人成派。

戊籤卷二十一

八

銅雀伎

松柏西陵道，秋風日夜疏。粧成空自媚，歌罷怨何如。淚洒羅衣溼，魂銷玉座虛。還期席蟻日，猶得奉恩餘。

昭君怨

驕虜窺龍塞，佳人出鳳城。據鞍重飲恨，攬鏡更含情。沙磧春難度，穹廬夢易驚。儻令天漢重，敢論妾身輕。

宮人斜

春雲漠漠草如煙，無限香魂哭杜鵑。爲語蛾眉謾惆悵，絕勝青塚寄胡天。

謝東山 一首

東山字少安，射洪人。嘉靖辛丑進士，歷貴州提學副。

使累遷右副都御史巡撫山東有近譬軒集黔中小

稟

明詩統高泉子曾哀輯昭代律詩為集所作亦冲雅

可喜  
劍閣芳華集東山慷慨負奇博雅好古嘗得易酒法

歸射洪造釀甚美蜀人謂之謝酒蜀撫軍饒景輝有

詩云射洪春釀今仍在一語當年重品題獨有少陵

知此味也應隨酒入新詩  
田按少安督黔學時取貴州宣慰司訓導張道所輯

貴陽圖經刪正之釐為十二卷乞楊升菴為序又輯

明七律詩二十九卷其七星軒夜坐詩云酒酣抵掌

青天月詩就揮毫白雪篇又哭楊升菴詩云昆明池

上木蘭橈一幕青天映錦袍頗有豪氣

哭楊升菴

金馬碧鷄吟未歇風輪泡影思何玄長空鶴馭華陽國夜月

神遊洱海船

戊籤卷二十一

九

萬衣一首

衣榜姓羅字章父德化人嘉靖辛丑進士授南刑部主

事改北歷員外郎中出為雲南副使歷福建湖廣參

政福建按察使進湖廣布政使改河南有萬子迂談

八卷

送何勳部謫江州別駕

風流佐郡復何求直道如今卻罕傳得失未須論塞馬行藏

聊且付江鷗思家時夢芳洲草戀闕遙登煙樹樓廬嶽章江

故鄉縣春明送客使人愁

雷賀一首

賀字時雍豐城人嘉靖辛丑進士累官右副都御史



巡撫四川有雷中丞律選

西行閒詠

遙望松臺極  
素聞鼎湖丹  
火尙氤氳  
何時飭服金  
光草羽駕  
追隨躡紫雲

洪朝選 一首

朝選字舜臣同安人嘉靖辛丑進士累遷四川提學

副使歷南太僕少卿遷刑部侍郎有靜安稿十五卷

筆塵沈青霞鍊効分宜十大罪至呼為嵩賊世廟大  
怒徙保安為民鍊好諷刺邊臣詰其隱匿督府以下  
咸誑賊之總督楊順巡按御史路楷承分宜風旨劾  
鍊論死隆慶改元鍊子襄上書訟華亭柄國故與順  
有卻逮順措下吏論死往順為御史監南直試華亭  
長子入試取代順發其狀同事御史張某馳使先告  
華亭得預為左右費不盡法於是德同事御史而怨  
順時順為分宜所用不得報也已而有鍊事又數年

戊籤卷二十一

十

穆考即位乃正其罪順論死在獄少司寇洪朝選者  
華亭客也又阿華亭旨困順令死時五月越數日方  
奏奏下已有齊桓之慘矣後數年朝選家居為巡撫  
勞志所劾捕繫獄益死天道好還可為明誠  
靜志居詩語舜臣強直自遂為勞堪羅織斃之獄中  
士林多為扼腕時王道思唐應德輩銳意古文辭舜  
臣雖不與八才子之列而實聯鑣並驅道思與李中  
溪書云吾鄉洪芳洲先生文直得韓歐會王家法吾  
輩駁雜視之有愧其傾倒至矣詩非擅長

奉陪鍾龍潭推府祇謁文公書院遂登眺瞻亭戰龍松

諸勝

訪古來陪騶馭遊層層危磴似登樓亭前怪石字還倒相傳有大

石刻二字曰曉亭一日雷震舊有雙松名石倒字亦從倒今蓋亭其上巖下雙龍戰已休戰龍歲久無

存帶雨山泉鳴滴瀝吟風庭樹響颼颼歸來清夢猶相繞共

歎高車不可留

范惟一 一首

惟一字于中松江華亭人嘉靖辛丑進士除鈞州知  
州遷濟南判官徵授工部員外歷郎中出為廣東僉  
事改湖廣歷山東參議浙江提學副使河南參政浙  
江按察使江西布政使召拜太僕卿有太僕集  
挾瑟上高堂

趙女倚新粧含顰緩上堂徘徊猶按瑟顧盼轉生光初調淩  
宮徵流徵引鳳凰停絃且莫竟只恐斷人腸

龔秉德 十首

秉德字性之濮州人嘉靖辛丑進士除鎮江判官徵  
授南御史出為温州知府遷湖廣副使有三幻集

戊籤卷二十一

十一

海岳靈秀集揚州詩和粹婉麗藻思駿發  
韻廣雅之詩音亮詞美俞汝成百家詩舍美而錄瑕  
幾為所掩

晚發過真宮田九度澗歷玉虛巖作

捫石躡重巒凌虛俯幽谷登陟盡險艱蒙茸穿水竹潭古潛  
蛟龍林深走麋鹿激澗瀉潺湲奇花吐郁馥鬼斧伊誰運鑿  
此仙人窟華構嵌峒嶽飛簷懸突兀恍披九華峯疑入三天  
竺石髓呈異香瑤草抽新綠忽聞鳳簫聲雲輦下廣陸南崑  
午鐘餘西林暮景促翩翩王子喬邀我洞中宿戀此立境寂  
願言謝微祿

紫府觀

地控神仙府山藏太乙壇雲飄蘿洞溼日射玉壺寒瑤草清

堪掇石英秀可餐至人何處所寂寞九還丹

甘露寺

逶迤盤石磴瀟灑度珠林草帶南朝色雲橫北固陰波光縈  
戶溼樹影落巖深清磬冷冷發方窺靜者心

江心寺次韻

諸天連海藏孤嶼峙江濱鶴立松門月僧歸水上雲觀空雙  
樹掩談偈一燈分豈獨耽禪寂因之遠世氛

贈姚洞陽山人

畫舫青鞋幾慣曾風江雲嶽是良朋窮途十載常爲客借宿  
雙林每愛僧興極題詩攀玉壘狂來貰酒度金陵唐家麗藻  
推姚合接武如君可並稱

戊籤卷二十一

三

上元日同彭膳部遊觀音山

珠林香閣倚嶙峋高棟危欄瞰水濱爲客正當修禊日逢君  
如對永和人雨餘谷口迷青靄春滿汀頭見綠蘋漫向名山  
誇勝迹還憑苦海問通津

白龍湫底靈巖

蹊回磴轉入雲深古木蒼藤結午陰煙浦疏鐘來遠寺石門  
流水瀉高岑山中逋客名黃綺洞裏眞僧字道林落日松濤  
響空谷疑聞鸞鶴送餘音

登山海亭

石勢參差一徑通捫蘿遙望海天空亭高下瞰扶桑日野曠  
平臨太乙宮雲起波濤飛几席潮來風雨人簾櫳行吟洞口

青冥上十二樓臺暮靄中

過邯鄲有作簡董近淮同年

千里塵沙一騎過邯鄲城古動悲歌呂翁祠畔蒼苔合趙武  
臺邊芳草多無復美人調錦瑟空聞俠客擁瑠玕漳河不共  
繁華沒日暮東風起夕波

江南春遊

風吹桃葉柳葉雨折梨花杏花竹陽一灣春水石欄幾處人  
家

殷邁一首

邁字時訓南京留守衛人嘉靖辛丑進士除戶部主  
事歷員外郎中出爲江西參議進貴州提學副使改

戊籤卷二十一

三

浙江歷四川布政使遷南太僕卿改太常卿進禮部

侍郎有山窗漫錄

病懷

城闕秋生暑氣刪空堂木榻對衰顏簾前葉落常疑雨樹裏  
雲過忽見山朝隱暫隨朱紱後心齋時住白雲間湖南草綠  
浮鷗淨愛爾忘機盡日閒

鄭澗一首

澗榜姓

字伯清閩人嘉靖辛丑進士累官河南副使

有望川存稿

鄖陽道中

漢川東下向鄖城策馬朝來指別程山色和煙青不斷隔林

飛出竹雞聲

陳時範一首

時範字敷疇福州長樂人嘉靖辛丑進士累官雲南布政使有世槐堂稿

東南嶠外詩話獅岡詩多伉爽之音

鄴都懷古

漳河不作險問鼎改稱都東漢已銷歇西陵還有無金盤寒溼露銅雀暮棲烏莫作登臺賦臺高思轉孤

張鐸一首

鐸字鳴治上元人嘉靖辛丑進士選庶吉士改御史有秋渠海岱二集

戊籤卷二十一

十四

甯海諸山

候吏逢迎海日西亂山寒色正淒淒向來別館無人到愁聽驚鳥繞樹嘯

王應鍾一首

應鍾字懋復侯官人嘉靖辛丑進士選庶吉士改監察御史出爲河南提學副使遷山東參政有缶音集

東林寺

清秋重喜過東林惠遠遺縱何處尋入社人空流水逝講經臺迴暮雲沈疏鐘晝度長廊靜芳草寒生廢殿陰欲向夜深訊僧定多慚塵迹雜禪心

何孟倫一首

孟倫字慎明新會人嘉靖辛丑進士除鄞縣知縣改  
建甯新昌徵授戶部主事歷員外郎中出爲浙江提  
學副使

長相思

洞庭天闊雁來遲迢遞江南秋暮時新題錦字光陸離欲寄  
幽情無所之長相思心惻惻楚水吳山杳相隔青楓搖落曉  
烏唳風露泠泠遠空碧

何遷二首

遷字益之德安所人嘉靖辛丑進士除戶部主事改  
吏部謫九江判官起南吏部主事歷郎中就遷光祿  
少卿改北再改太僕少卿以右僉都御史巡撫江西

戊籤卷二十一

五

進右副都御史總督漕運兼撫淮陽遷南刑部侍郎  
革職閒住有吉陽山房稿

田按遷遊南太學爲湛甘泉講學弟子嘉靖癸丑甲寅間華亭與歐陽南野聶雙江程松溪講學於京師靈濟宮學徒雲集至千人丙辰而後諸公或歿或去惟華亭尚在而講壇爲之一空矣戊午遷自南來爲太僕少卿復推華亭爲主盟再興靈濟之會盛有時名及巡撫江西人以爲附和相嵩得進厚歛以遺嵩父子人言噴噴嵩敗而遷以嚴氏黨罷矣遷歸後猶開席授經里諸生高致中過遷講室中懸分宜詩軸致中濡筆題軸云椒山已死洪塘謫天下何人是介翁今日登堂覽詩草始知公度實能容

借省寮殷白野萬兩溪洪芳洲塗任齋遊牛首山

牛山臨象緯龍闕隱靈嶺形勝開吳苑松杉識晉年樓臺四  
天出雲雨兩峯懸偶共逃禪者忘言到法筵

磁州曉發

磁州曉發

水落草初茁沙暄花欲開自憐江閣上人共早春來

董份 五首

份字用均烏程人嘉靖辛丑進士選庶吉士授編修  
歷中允學士入直西苑擢禮部侍郎改吏部進禮部  
尚書以事斥為民有泌園集三十七卷

國史唯疑董份王材唐汝楫白啟常國史列為嚴世蕃私人啟常致以粉墨塗面供其歡笑諸公或才學或門第均足自致通顯失足匪人坐身名俱敗可為後鑒

田按嘉靖二十三年命吏部尚書兼學士嚴詢禮部尚書兼學士李春芳吏部侍郎兼學士董份俱直西苑撰應奉青詞尋嚴李入閣參預機務董以給事中歐陽一敬論劾削職去先是董為考官取妻弟吳紹中式紹吏部尚書吳鵬子也為細史耿定向所舉劾吳董各疏辨求罷帝命鵬竭忠供職份安心直撰吳分宜黨也董亦與分宜子世蕃往還時嚴氏得罪人言嘖嘖董得世蕃二萬金董雖往直西苑帝終不能

戊籤卷二十一

六

曲祖也董歸後以貴名為有司持短長鄉人緣聞起數見凌奪不勝悲憤死時呼其子曰吾死無書吾故官以白布三尺題曰耐辱主人足矣亦可哀也份詩五言有清致為何元朗所推

贈何元朗內翰之南都二首

執戟余方倦摘詞爾獨雄人分兩都別官為陸沈同長路多  
秋草虛堂急暮蟲更憐明月清影隔江東

載筆新供奉承恩舊帝京離宮通祕署江水切蓬瀛待問稱  
書府高談謝墨卿邇來聞紙貴知爾賦初成

四友齋叢說余赴官南館京師諸公贈行詩不下數十首唯董得陽五律最工

送郡侯李君之建昌

高賢稱傲吏建武本仙鄉石室秦人洞銅陵華子岡地偏官  
坐嘯齋靜得凝香時向仙壇畔清泉獨引觴

寄蔡子

驅馬出門去自知心不閒紅塵淹日月青鏡改容顏與盡客  
中雨夢多江上山良朋在茗水歲暮閉柴關

贈石林上人

上人棲息處邱壑倚空門石悟三生意林開雙樹園拂雲常  
獨坐埽葉與誰論一扣禪關裏何知有世喧

王材二首

材字子難建昌新城人嘉靖辛丑進士選庶吉士授

檢討歷官南太常少卿有念初堂集

玉菴太史謝官後重逢喜而有作

金馬早辭方朔詔三山去榜赤城遊扁舟獨往雲無定綠酒

戊籤卷二十一

七

相逢菊正秋佳句自應塵外得異書多向枕中收卻愁丹鳳  
重霄下驚散飛飛海上鷗

遊山

松嶺筠關此重尋層巒十日滯春陰花經雨後紅初薄水到  
潭心綠轉深丹井細煙留絕壁洞天香雨在疏林興來不憚  
登臨數燈火黃昏下碧岑

許邦才十首

邦才字殿卿歷城人嘉靖癸卯舉人授永甯知州遷

德府長史改周府有梁園集四卷

滄溟集殿卿新篇道上但殿卿妙悟求似卽止不肯  
由所不似以致其似爲遠有所隔  
藝苑卮言于麟與子與書云許殿卿海右集屬某中  
尉爲序不佞嘗欲罪諸炎火乃周公瑕亦曰是旣已



不能禁其傳然不可以欺智者亦唯任之

海嶽靈秀集空石詩傲于鱗而氣格不逮然于鱗詩

多峇氣而空石温厚或過之

明詩選宋轅文云于鱗亟稱殿卿其梁園集殊不稱

絕句差快意

列朝詩集魯藩觀樞曰于鱗詩多客氣而殿卿温厚

或過之殿卿與于鱗相友善著海右倡和集因于鱗

以聞於當世今之尊奉濟南者視殿卿直附驥之蠅

耳而齊魯間之論乃如此

王士禛蠶尾續文許殿卿少與滄溟倡和齊名鄉曲

今梁園正續集詩殊不足當滄溟下駟

點書吾鄉許長史殿卿詩風格近韓倉縱橫跌宕可

喜余閱黔志知殿卿曾謫官永甯遂搜其在黔之

作得絕句四首一初至永甯云風塵誰自料花鳥故

相猜問是山東客何由萬里來一元日云客中逢改

歲不解是何鄉時見懸門帖春風動夜郎一新添驛

云荃館孤燈半滅明江曙月落夜潮生無端鄉思三

更後聽盡蕭蕭風雨聲一夜投山家宿云西南蠻徼

萬山隈昔日誰教漢帝開埜鳥常呼行不得馬蹏那

復夜深來其言藹惻和平得風人之旨

靜志居詩話殿卿如銳頭年少騁獵前何似與君俱

鼻端出火長歌有云長卿慕人千載前何似與君俱

戊籤卷二十一 六

少年子雲慕人千載後何似與君俱首爽氣殊倫

令張正言爲之不過此也王元美贈詩云是時歷下

李攀龍往往道汝文章伯乃卮言評詩竟不之及又

夷之四十子之列取舍似未公也

神通寺

百里泰山陰千年號寶林諸天聞說法初地問安心古殿松  
聲合長廊月色深夢醒禪榻寂清磬下雲岑

舟中

客子常明發霜天正寂寥移舟星在水解纜月隨潮往事流  
波駛歸心帆影搖更堪聞過雁蘆荻共蕭蕭

于鱗宅送江山人

良夜琴尊興不孤蕭然行色峭山湖天涯芳草思公子雪後  
春風戀酒徒那惜十干共舉白從來百萬判呼盧河橋楊柳

誰堪把况復梅花正滿途

盈口

三月北風怒孤舟泊寒浦鄉夢苦難著瀟瀟滿江雨

丁香花

蘇小西陵踏月迴香車白馬引郎來當年賸縮同心結此日  
春風爲翦開

秋夜楊娥歌

風捲秋聲不敢過月波凝在碧天阿那知千載韓娥後又有  
楊娥一曲歌

平原道中答于鱗送別

神京千里促行裝一片離愁若箇長三疊陽關萬行淚春風

戊籤卷二十一

九

處處有垂楊

隋堤柳

汴水秋風著柳枝長隄一望影參差不知錦纜經過後憔悴  
如今又幾時

春晚城西卽事

花老春深風更顛勝遊常負恨年年不堪送客夷門道落日  
河橋聞杜鵑

送謝中丞東山歸射洪

六月江干冰雪涼射洪春酒鬱金香自從筇竹通西夏漢使  
年年出夜郎

劍閣芳華集東山嘗得易酒法歸射洪造釀甚美蜀人謂之謝酒

邵元善 一首

元善字台山普安衛人嘉靖癸卯舉人授嶧峨知縣擢戶部主事謫通州州判遷涿州知州被逮獲釋改

辰州通判超擢四川僉事有賢奕稿

黔詩紀畧台山所在有治行嘉靖四十四年吏部尚書嚴訥奏請破資格拔幽異擢四川按察僉事史載平湖陸光祖為文選郎中時破格擢廣能九人下僚競勸其一即台山也普安諸邵文譽噪一時台山尤長詞賦所著賢奕稿西蜀陳宗虞為之序擬以元道州可想像其風概田按台山賢奕稿已不傳予從明詩統獲詩二首亟登之

秋日懷弟

秋色臨芳甸秋風入綺疏那堪賦搖落對此獨躊躇命酒歌長夜思家步短除似聞雁聲度斟酌待相如

戊籤卷二十一

三

所思

擬向江南問卜居題詩新報故人知茅堂幽絕須鄰水我欲先開洗硯池

沈九思 一首

九思字天啟上元人嘉靖癸卯舉人有頤貞堂稿

題顧寒松遺居

讀書人已往荒址抱寒流野雀行空案秋螢入破樓自甘泉壑老不作子孫謀依舊松風響清名罕與傳

向覺 一首

翼字序伯程番人原籍上元嘉靖癸卯舉人官興國

知州有二淮稿

金陵瑣事向序伯中秋泛月云風動魚龍吹沸浪露寒蟾兔泣清秋會仙樓云逐江芳草自生態遶陌繁  
花偏冶顏

登下鍾寺

撥雲登峻嶺古寺眺清秋危磴苔封滑虛壇草色幽谷深鐘  
易響石怪水爭流蠟屐頻來此僧房半日留

趙邦彥 六首

邦彥字元哲東阿人嘉靖癸卯舉人有趙元哲集八

卷

田按元哲五言如花邊孤騎入雲裏萬峯青花風低  
燕雀柳浪戲鳧鷖川雨遙明滅山雲仁有無貧賈妻  
孥累愁隨遲暮生皆佳句也

夕歸卽事

戊籤卷二十一

三

村晚催歸興青崖一徑攀荒山紅葉寺野水白鷗灣漁唱隔  
煙浦僧來扣竹關夕陽林影亂冉冉數鴉還

晚

石阜晚登眺深秋草木稀煙村一水隔野浦亂鴻飛松嶺日  
初暝楓橋人暮歸淒涼惟破屋卒歲歎無衣

夏日郊居雜興

野廟依叢薄村巫禱歲豐漁樵分徑出鷄犬數家通柳色孤  
舟雨蠟聲萬木風晚來伏社散扶醉送山翁

山寺

蘭若拱山巖青冥盤鳥徑夕陽山下村隱隱聞清磬

山屋

連山如翠屏正對幽人屋石洞飛白雲時來檐下宿

尋僧不遇

欲雨不雨天氣涼野寺無人秋葉黃松墀冥坐了無語時有  
飛花點石床

戊籤卷二十一

三

欲雨不雨天氣涼野寺無人秋葉黃松墀冥坐了無語時有  
飛花點石床

戊籤

金鑾 十七首

鑾字在衡隴西人僑居南京有徙倚軒榻三卷

四友齋叢說南都自徐髯仙後惟金在衡最為知音善填詞其嘲調小曲極妙每誦一篇令人絕倒

金陵瑣事金山人鑾徐太傅園云楊柳晚風靜芙蓉秋水香掉梁姬云江梅空索笑園竹自成斑北河道

中云歸鳥亂飛原上樹夕陽多在木邊邨送李谷陽云客中候曉霜如月馬上逢春草在煙

列朝詩集金山人在衡詩風流宛轉得江左清華之致

帝里明代人文略風雅之會金陵盛者三在衡執騷壇牛耳者再謂之詩人者宿不亦可乎

田按山人詩清圓瀏亮無當時叫囂之習詞曲亦是當家有蕭爽齋詞集惜少傳本

戊籤卷二十一

崇明寺答水雲禪師

野寺臨晴晝園花照暮春夕陽千樹繞芳草一江鄰有客來

何處逢人寄此身遠公能好事頭白更相親

泊淮上

愁輕遊冶興老重別離情野戍寒更盡河橋春水生斷雲疏

雁影殘月亂雞聲明發應千里蕭蕭過楚城

荆溪訪陳小峯

地僻煩歎遠心閒花事多園林無夙約風雨有時過子夜燈

前曲白雲行處窩還聞賦招隱叢桂近如何

鼓城道中答程石川

野店賣春酒村燈泊暮船詎知千里外重醉一樽前寂寞問

生事飄零入去年，羈懷無所慰相贈。有瑤篇

石湖

東風載蘭漿，二月下橫塘。芳草野湖碧，落花春店香。醉呼吳市酒，老作楚人狂。良會催遲暮，青樓尙理妝。

再過界首哭薛東山

湖上重來訪隱君，亭邊獨立見遺文。漫因白髮悲山簡，空對玄心憶子雲。失路煙霄元是夢，放形鷗鳥自爲羣。秋蕪萬井荒原隔，老淚無聲不可聞。

酬保定總兵招遊靈谷寺

平山蒼翠鬱森森，白日平鋪十里陰。扶醉出城便瘦馬，破忙移席就幽禽。草荒四壁僧堂古，花散千巖法宇深。幸託軒車

戊籤卷二十二

二

附韋布野亭春煖共追尋

平山范東溪池亭命伎

秋堂列燭擁笙歌，夜燕傳呼出綺羅。明月照人千里共涼風

吹面五更多，從知故國虛松菊，爲報鄰塘老芰荷。不惜主人

重命酒，吳姬緩舞欲如何

清明客京口，袁兩峯山樓值雨

他鄉逢節正淹留，海色江聲共入愁。南去煙花迷楚苑，北來

風雨徧揚州。林深白晝長疑暮，春老餘寒半似秋。村酒有時

來地，主野花無語對山樓

牛首

先皇曾此駐龍旂，一夜空山擁六師。春鳥尙思巡幸處，野花

不似樂遊時遙聞寺外江聲落倒見天邊塔影垂若問南朝  
昔年事廢原荒井有豐碑

留別

重解西風柳下舟雁聲只在海東頭歌殘白苧青娥怨賦盡  
江離楚客愁秋水別來還泛泛暮雲歸去復悠悠流光欲遡  
天南北遙帶銀河入斗牛

新安道中寄懷諸舊友

故嶺重經楓葉凋旅懷蕭索伴歸樵冰霜在道無千里肌骨  
侵寒已半消石上亂雲隨馬度樹頭殘雨逐人飄翻思前夜  
溪亭別竈窈清商酒一瓢

春日辱企齋朱少府松窗徐公子見訪未暇展待且聞

戊籤卷二十一

別有佳約詩以答之

遠承華蓋及衡門日午相攜到日昏白髮自應忘縣長青袍  
誰復識王孫更因夜月留何處忍對春風負此尊傳到城南  
賸佳麗小詞翻出寄桃根

馮少宰山庄宴集酬乃弟稚山上舍

沿市湖邊水漸平煖風吹送落花輕一春苦雨空嘯鳥十日  
看山幾出城席地放歌酬勝會仰天長醉笑狂生午橋舊有  
裴公墅漫屬羣賢紀姓名

有懷

悵望隔江雲春來不見君歌聲與流水俱在夢中間

秋夕



閉戶盡消百慮燒燈常到三更山靜寂無人語夜涼微有秋聲

吳門

闔閭城外花如煙洞庭山水連天安得弄花緣水去與君同上木蘭船

湯珍 四首

珍字子重長洲人以歲貢生除崇德縣丞遷唐府奉祀不赴有小隱堂詩集八卷

藝苑卮言湯子重詩如鄉三老人城威儀舉舉終少華冷態田按子重七言斷句楚楚有致

穀日

戊籤卷二十二

四

人日纔過穀日來冷雲陰覆始蘇臺春姿欲動梅羞澁華髮相將歲暗催憶別獨吟東閣雨息機行翦北山萊清歡不爲窮愁減瓊緣浮浮釀好開

送蘇子升往萬川 二首

荆門西去接夔門三峽波濤不可論一曲驪歌臨別酒楚雲

巴樹總銷魂

采石江頭芳草萋蛾眉積畔曉猿啼扁舟穩泛桃花水好逐春風訪漢西

越溪柳

掠燕藏鶯覆碧潭絲牽縷結弱難堪可憐庾信多蕭瑟猶想春風似漢南

徐縉 六首

縉字紹卿吳人有在笥集

黃德水國華集徐君採藻最早享年最永其詩貴華采尚標致經營用思愈入愈深點綴既成更務清朗吟誦再三眞賞自得

續吳先賢贊徐縉詩警絕有奇致

列朝詩集徐縉初名陵字少卿慕李陵之爲人跌宕自喜挾策遊建業徧覽形勝酒酣以往援筆賦詩感歎六代興亡之際高歌長嘯引聲出蕭寥間視舉世無如也

靜志居詩話紹卿學詩於蔡孔目而標格矜爽所謂弟子不必不如師

田按紹卿與皇甫子安兄弟遊皇甫長於五律故紹卿此體亦最勝

將歸夫椒泊湖口作

咫尺胥臺路風波滿渡頭  
鶴情懸碧壠專思協滄洲  
柳暗藏歸渚花深引去舟  
白雲爲帶處彷彿識仙邱

戊籤卷二十一

五

遊南山循嶺東行稍窮幽勝

隴首酬華矚寒山轉鬱葱  
翳林難見日靈穴易生風  
帆影滄洲外雞聲綠樹中  
何如石門興雲卧趣堪同

秋日山中寄高甫

客鬢經秋短離情向暮深  
永懷拳馥意一展涉江心  
嶺宿同哀狄林棲並倦禽  
白頭誰故舊感激爲君吟

山家

山家日翠微澹蕩挹清暉  
溪水繞門綠巖雲當戶飛  
夕陽啼鳥盡細雨落花稀  
遲暮何知客途歡便作歸

寓竹堂寺高甫攜榼見過

境外歡良晤壺觴戀夕陰  
暝雲沈碧殿涼雨澹珠林  
存沒悲

前事榮枯愴暮心一樽仍自惜惆悵別時襟

春日登灣上水樓

清賞歡同調聊成假日遊  
暮窗紆翠岫春檻抱滄流  
燕綠煙催暝花寒雨作愁  
紅芳坐來歇登處且銷憂

董難四首

難字西羽大理太和人有鳳唱集

田按楊升菴謫真真人與之倡和者有張禹山輩稱楊門六學士余謂皆不如西羽隱君也升菴贈詩云隱節盧鴻一詩名某毋三可謂立賞惜詩不多傳

九鼎寺

片身凌碧落九鼎墮青層  
寶日烘狻座春風護象乘  
棧迷尋洞客雲貼補衣僧  
爲款支郎宿晨炊借佛燈

戊籤卷二十二

六

玉局寺

杜鵑枝上春可憐杜鵑聲裏雨如煙  
萋萋滿目芳草碧杳杳一髮青山懸  
忽悲隴麥客遊次卻憶棟花風信前  
惆悵池塘綠陰樹驚心一曲南薰絃

居易錄董西羽常輯轉注古音著韻譜滇志列隱逸傳曾見其題玉局寺一詩風格宛似楊升菴

袞袞寺

塔影胷回波松聲喧五鬢石門竟不開  
秋露泣迦葉

點蒼山

極目望點蒼芙蓉插天闕下有百尺松  
上有千年雪

賈惟孝二首

惟孝字若曾嵩盟人有賸語閒吟稿

田按若曾卽升菴詩所謂賈東晦也音調清脆是宋元人合作

秋林

林塘秋色淨疏雨夜來收紅葉迷樵徑青山落釣舟靜逢康樂賞閒稱少陵遊有客分西爽吟邊獨倚樓

登螺峯四顧亭

傑閣危欄枕翠岡天開圖畫引壺觴人生能得幾時醉世事可憐終日忙雨過樹頭雲氣溼風來花底鳥聲香一春好景須尋樂回首南橋空夕陽

此詩亦見王襄敏集

張本 七首

本字斯植吳人有五湖漫稿

田按斯植五言格意俱高

戊籤卷二十二

七

家園秋夕

蓮芰屬秋暮邱樊開華門山風漱肌骨潭月洗心魂遠矚有不極幽情誰與論秋芳恰盈把采采謝蘭蓀

江邨秋暮

結宇靜堪適鳴榔遙自歸鴨依殘照集鷗拂斷雲飛纈縉蓴絲滑香清菰米肥溪翁對尊酒風動芰荷衣

太湖

於此目難極凌之心渺然澤吞吳越水山浸具區天雞犬波濤裏魚龍日月邊筆床吾所事攜上紫溪船

雨阻天池寺

花雨萬重色甯無藉逸清泉聞百竇出雲看數峯生佛子宣

蓮偈山童指藥名黃精一飽卧天半午風清

虎邱秋夜

而我隱淪客尋眞白玉宮林通江店月樓得海帆風蕝賦溪  
羹綠糟香市酒紅喜逢異域士攜手翠微中

新春雨後石湖漫興

淡蕩弄雲水青山成主賓祗園鐘喚鳥漁市鼓迎人興發揚  
帆遠愁消命酒頻垂楊報春早相對意俱新

秋夜登闌門城樓

月白三更晚天青八月秋芙蓉照江國蟋蟀上城樓海思飛  
雲亂鄉心落葉愁忽聞黃鶴笛清夜重淹留

傅起巖一首

戊籤卷二十二

八

起巖初名洪字晉卿更名後字夢求無錫人有正峯

集

題戎王出獵圖

九月西風草木黃燕山飛兔白于霜闕支小隊穹廬出更向  
天邊射雁行

晏睿一首

睿字字泉新喻人正德間變城教諭

寄西密先生

西密先生致不羣呼童日日掃山雲相思一夜難成夢松外  
月來疑是君

何陋一首

晒字天宿大庾人

遊亞東山題壁

山寺春深載酒遲  
鳥聲猶在落花枝  
瑯琊永叔醉能記  
修覺少陵狂有詩  
碧蘚坐溫敲句石  
醜顏酌費聽泉后  
等閒歸去墨莊晚  
那得白雲明月隨

蕭引鳳一首

引鳳字光儀南昌人正德間諸生官攸縣典史有望

羊樓集

江上

野漲茫茫浸白煙  
蘆花只在釣船邊  
漁家近日生涯好  
網得江魚不賣錢

戊籤卷二十二

九

潘瑊一首

瑊字子良天台人

越中清明

去年寒食吳山頂  
今日清明越水濱  
把酒獨看沙土鳥  
春風兩度客中人

張軌一首

軌字行之壽州人正德間諸生授羽林衛經歷改虎賁衛有西泚遺稿

遊古峽石寺

石磴盤空入翠微  
竹林疏處見禪扉  
雲封松頂鶴歸晚  
草掩山蹊客到稀  
百尺瘦藤懸峭壁  
千年古塔下斜暉  
方袍盡日

閒無事檐下穿鍼補衲衣

丁玘一首

玘字式玉丹陽人正德中貢生官南靖知縣

練水漁舟

晴湖澄碧練釣艇輕如葉呼酒入菰蒲收綸待明月

戊籤卷二十二

十

